









Sex Alæ Seraphicæ  
D. BONAVENTURÆ  
ILLVSTRISSIMO REVERENDISSIMO  
& CELSISSIMO DOMINO  
D. IOANNI ANTONIO  
DE VIA

DEI & Apostolicæ Sedis Gratiâ  
*Archiepiscopo Thebarum*  
Episcopo Ariminensi  
SS. D. Nostri Innocentij Divnâ Providentiâ  
PAPÆ XII.

Prælato Domestico & Assistenti  
eiusdemque & Sedis Apostolicæ ad Regnum  
Poloniæ & Magnum Ducatum Lithvaniæ  
cum facultate Legati de Latere Nuntio  
Patrono Mæcenatiq; Amplissimo Colēdissimo.

*A Fratre Magistro Raphaele Grabia Diffinitore Pro-*  
*vinciæ Poloniæ Ord: Min: S. Francisci Conventuali-*  
*um S. R. M. Theologo*

DEDICATÆ

Anno Descensûs Filij Dei è Cælo in terras 1699.

*Item Carolus 1<sup>us</sup> ppe Varsavianus*






By Lion. J. II. 8



*Illustrissime Reverendissime &  
Celsissime Domine*

 Ex Alas Seraphicus Doctor, Cardo, &  
Decus Ecclesie DEI Sancte Eminentissi-  
mum, Divus Bonaventura prelo impressit;  
quibus demonstravit quot, & qualibus oporteat esse sublimatos virtutibus, suscipientes artem artium regimen animarum, pro quarum salute Filius Dei humiliari ad Incarnationem, & Incarnatus exaltari ad Crucem non est dedignatus. Ego impressis optavi, ut dedicarentur Vestræ Celsitudini, & coronarentur Magno Nomine Ejus, quatenus luceant tantò omnibus aspectabiliore & cultiores, quantò pulchrius à DEO ideatas & efformatas in ILLVSTISSIMA & REVERENDISSIMA Celsitudine Vestra conspexerint, quantò altiùs à summis Pontificibus honoratas, ab Angelis Ecclesiarum Clero, & Religiosis Ordinibus devotius celebratas, à Regibus Regnis & Provinciis reverentialius observatas, contemplati, demiratiq; fuerint. Tu enim ILLVSTRIS- SIME & CELSIS- SIME Domine zelo piissimo, pietate zelosissima, patientiâ mitissimâ, exemplaritate sapientissime informativâ, suaviter potentissime reformativâ, circumspeditione discretissimâ, studio devotionis ardentissimo Celitus decoratus præfulges Archipræsuleis The-  
(1) barum



barum, Præsuleis Arimini insignijs coruscas : Candida  
Lux Trini Solis, dextera Triregni, ter Nuntius A-  
postolicus Optimus, trium Maximorum Sanctissimorum-  
què Pontificum INNOCENTII XI. ALEXANDRI  
VIII. & INNOCENTII XII, post devinctum  
DEO, Sedi Apostolicæ, & sibi Belgium, post Confe-  
deratam Germaniam, prudentissimè moves animas, re-  
ctificas, serenas, & polo socias Poloniam, dignus celi  
oculo, Mundi verò osculo, & imperio. Supplico igitur  
ILLVSTRISSIMÆ & REVERENDISSIMÆ  
Celsitudini Vestre, ut submissum dedicatorem pignus O-  
bligationis ingentis offerentem clementer suscipiat ad  
meritum, Alis Seraphicis celeriores ad folia & Re-  
ctores cordium humanorum addat volatum, universis  
Sanctimonie majoratum, DIVO BONAVENTU-  
RÆ in devotis suis splendoribus delictum, & Franci-  
scanæ Religioni auram salutarem ad Seraphicos ascen-  
sus, cum qua supremam ubiq; & semper felicitatem IL-  
LVSTRISSIMÆ & REVERENDISSIMÆ Cel-  
situdini Vestre voveo & à Divina Majestate exoro.

ILLVSTRISSIMÆ & REVERENDISSIMÆ  
Celsitudinis vestræ

Indignus Exorator, humillimus & Obliga-  
tissimus servus

Fr: Raphael Grabia

Minorita Conventualis.



# S. BONAVENTURÆ

Eximij Ecclesiæ Doctoris  
Opusculum.

quod inscribitur :

## DE SEX ALIS SERAPHIM.

**I**N hoc opusculo S. Bonaventura Ecclesiæ Prælatos instruit ad regimen subditorum, quibus præsunt, & veluti Seraphim sex alis ornari *Isaias Cap. 6.* vidit quarum duabus faciem velabant, duabus pedes, duabus deniq; volabant : sic etiam spiritualis Seraphim hoc est Prælatus Ecclesiæ Domino sedenti super solium excelsum & elevatum sex virtutibus, quasi alis sex ornatus, assistere debet; quarum duas scilicet zelum justitiæ, & pietatem sive compassionem fraternam super caput elevet, medijs duabus, patientia & vita exemplari, corpus & pedes contegat : ultimis verò duabus circumspectione, & devotionis studio, in latum & in altum volet. Vndè his præcipuè virtutibus pollere debet, qui Ecclesiæ regimi-



ni præest, zelo justitiæ, pietate, patientiâ, exemplo vitæ, discretionem circumspecta, & devotione ad Deum. De quibus Auctor mirificè tractat in hoc Opusculo.

## CAPITA HUIUS OPUSCVLI

*Quod incipientes propter multa Magistro indigent Cap: 1.*

*Qui sunt, qui Magistro non indigent. Cap: 2.*

*Quod prima ala Prælatorum esse debet zelus justitiæ Ca 3.*

*Quod secunda ala Prælatorum, est pietas. Cap: 4.*

*Quod tertia Prælatorum ala, est patientia. Cap: 5.*

*Quarta Prælatorum ala est, quod sit exemplaris in vita C. 6.*

*Quod quinta ala Prælatorum est circumspecta discretio. Ca. 7:*

*Quod sexta Prælatorum ala, est devotio ad Deum. Cap: 8.*

## P R O L O G V S.

Prov. 9. 6.

**D**A occasionem sapienti, & addetur ei sapientia, ait sapiens: cum igitur ex levi sæpè occasione, sapiens materiamumat altioris sapientiæ, qui etiam plerumque per alterius stultitiam sit eruditior, præsens scriptum potest novis, & nondum in officio regiminis ad plenum exercitatis, ad perfectam discretionem boni, & mali aliqualem dare occasionem ulterius cogitandi, & ex defectibus, quos hic considerat diligentius requirendi aliora, sive utiliora, & etiam plura, quam hic po-

nantur



nantur necessaria religioso ad regimen subditorum quia legimus aliquando sapientes etiam ex naturali quadam brutorum animalium solertia, sumptisse considerationis industriam, ad aliquas artificiales peritis excogitandas.

## CAPVT I.

*Quod incipientes propter multa magistro indigent.*

*Hec tibi scribo, ut scias quomodo oporteat Te* <sup>1. Tim. 3. d.</sup> *in Domo Domini conversari, quæ est Ecclesia Dei vivi, ait Paulus discipulo suo Timotheo, quem præfecerat Ecclesiæ Ephesi Episcopum. Scribit duabus epistolis, dicens, quomodo conversari debeat in officio regiminis commissi, ut qui iam ab eo didicerat sanctè vivere per se, sciret etiam, qualiter deberet & alijs utiliter & meritoriè præesse. Magna enim differentia inter scire humiliter subesse, & pacificè coesse, & utiliter præesse. Bernar: Multos cernis sub magisterio quiete vivere, quos si iugo absolvas, verbis non posse quiescere, nec à qualibet re innoxios juvare. Rursum quosdam invenies, cum omnibus quantum in se est, pacificè vivere, minimè quidem egere Magistro, nec tamen idonei magisterio. Quadam siquidem bona mediocritate contenti sunt, sicut eis mensuram gratiæ partitus est. Socialiter enim inter fratres sciunt pacificè vivere, super fratres ve-*



Exod. 18. d

rò positi, non solum inutiliter præsunt, sed & insipienter & nequiter. Vtrisque ergò prioribus meliores existunt, qui superiores esse sciunt. Vnde non passim quemlibet de populo, docetur Moses cæteris præficere, sed eligere ex omni populo viros gnaros & idoneos, *qui judicent populum omni tempore.* Qui enim suscipit officium, ut alios bonos faciat, oportet, ut hanc bonitatis disciplinam prius in se studiosè exercendo didicerit, & ex frequenti usu in habitum verterit. Vnde Dominus prius legitur fecisse, quæ post erat verbo docturus juxta illud Actorum: *Cæpit Iesus facere & docere.*

Act. 1. a

Incipientes indigent magistro ut doceantur, quæ ignorant scilicet, salutis suæ & profectui necessaria, & utilia, quid vitare debeant, quid sapere, quid facere, quid sperare, quid timere, & inter minus vel magis, bona vel mala discernere, dicente Paulo: *Indigetis, ut vos doceamini, quæ sint elementa e-*

Heb. 5. d

*xordij sermonum Dei.* Item *ut exerceantur in operibus virtutum,* quia non sufficit scire bonum nisi etiam opere exerceatur. Sicut qui audit medicinæ scientiam, & postea practicando exercet eam, quia exercitium operis, plenius imprimit menti cujuslibet disciplinæ peritiâ, quam solus auditus. Et quia imperfecti segniter se in virtutum studiis exercere solent, expedit, ut ab alio ad hoc aliquando compellantur. ideo magistri solent discipulos suos, quos perfectos cupiunt fieri, in diversis vir-



sis virtutum exercitijs occupare, modo in operi-  
 bus humilitatis, modo fraternæ charitatis, modo  
 sobrietatis, modo devotionis, modo patientiæ,  
 castitatis, taciturnitatis, obedientiæ, & aliarum  
 virtutum, ut & ipsæ virtutes sic exerceantur, &  
 usitentur, & vitia his contraria expugnentur; quia  
 quantò magis virtus proficit, tantò plus vitium  
 oppositum debilitatur, teste Apostolo, qui ait *Edu-*  
*cate illos in disciplinam* Item, *ut custodiantur, ne aut* Eph. 6. 1.  
*in peccatum labantur, aut minùs discretè in virtutum*  
*operibus exerceantur.* Teneræ enim mentes & a pec-  
 cati affectu nondum plenè detersæ, sæpè magis ti-  
 more humano, quàm Divino à voragine peccati  
 detinentur. Ideo talibus expedit, superiorum ma-  
 gisterio subijci, per quos à periculis retrahantur,  
 sicut parvuli à matre comminante ab aquæ mer-  
 sione, & luporum moribus, defenduntur. Nam  
 ait sapiens: *Servabit te, ut eruaris de via mala,* Prov. 2. 6.  
*& ab hominibus qui perversa loquuntur.* Item, ut  
 corrigantur, quia peccatum trahit semper ad dete-  
 rius, sicut una febris præbet sæpè incentivum  
 alteri graviori, & vulnus aliquando generat fi-  
 stulam, nisi medicorum præcaveatur solertia. Ita,  
 qui labitur in culpam, difficulter per se corrigi-  
 tur, nisi fortioris auxilio fulciatur. Propter hoc  
 enim vult Deus minoribus majores præesse, ut si  
 ceciderint in peccatum, vel in aliquo negligentes  
 fuerint & incauti, per eorum admonitiones, cor-



reptiones, còercitiones, & castigationes emenden-  
 tur : quia si arbitrio suo relinquerentur, fortè nec  
 reatum suum agnoscerent, vel torpentes diutiùs in  
 cæno volutarentur, vel profundius mergerentur,  
 Iud. d. juxta illud Iudæ: *Hos quidem arguite indicatos &c.* Ne-  
 cesse ergo est, eos magistro humiliter esse subditos :  
 quia nisi quis medico obedienter obtemperet, non  
 poterit ab infirmitate sanari. Infirmitates in ho-  
 mine sunt passionēs vitiorum, dicente Luca :  
 Luc. 9. a. *Dedit illis virtutem & potestatem super omnia*  
*dæmonia, & ut langviores curarent.*

## C A P V T II.

*Qui sunt, qui magistro non indigent.*

**Q**ui autem pro se magistro non indigent, de-  
 bent ita esse scientiâ illuminati, quòd nihil  
 errent in his, quæ scire necessariò eos oportet, &  
 qui decipi non possint ab homine vel dæmone,  
 vel a proprio sensu sub specie boni, donum di-  
 scretionis spirituum divinitùs adepti, juxta illud :  
 Philip. 4. c. *Vbiq; & in omnibus institutus sum.* Debent etiâ fervo-  
 re devotionis ita esse repleti, quòd sine alterius im-  
 pulsu, noverint seipsos ad omne virtutis exerci-  
 tium fideliter extendere, prout semper fuerit opti-  
 mum, teste Paulo, qui ait : *Quæ retro sunt oblitus,*  
 Ibid. 30. *ad ea quæ priora sunt extendens meipsum, &c.* Debent  
 quoque amore boni sic esse affecti, ut quasi natu-  
 raliter



raliter omne malum horreant & omne scandalū studiosè declinent, & sine offensa quiete cum omnibus converſentur. *sine offensione*, inquit Apostolus, *estote Iudeis & gentibus*. Debent etiam ita esse humiles in omnibus, ut nec de bonis habitis extollantur, nec malis omnino carere præsumant, ut omnes excessus cogitationis, locutionis, & omissionis in se subtiliter dijudicent, & districtè castigando emendent. Et in his omnibus sint ita stabiles, quod nec levitate, nec distractione aliqua, nec difficultate, vel metu, à statu suo valeant immutari. Vnde Apostolus ait: *Quis nos separabit a charitate Christi? &c.* Quia vero tales difficile est reperiri; ideo paucis convenit vivere absque obedientiæ jugo. Ideo, & qui alijs præsumunt, ut melius & cautius agant, necesse habent alijs subesse, a quibus regantur usque ad summum omnium Pontificem, qui vice Christi caput est totius Ecclesiæ militantis. Qui ergo alijs præesse debent utiliter, oportet eos varijs esse præditos virtutibus, & alias habere ad se, quibus irreprehensibiliter vivant, alias ad suos superiores, quibus humiliter eis, in quibus debent, obediant, & alias ad subditos: quibus eos meritoriè regant, & ad meliora promoveant. Licet autem omnes virtutes eminenter habere debeat, qui ex officio habet omnes virtutes ducere; tamen quia numerus senarij est primus perfectus numerus sui generis perfectione,

1. Cor. 10. 2

Rom. 1. 7

con-



Isaie 6. a

Apoc. 4. c

constans ex suis partibus aliquotis : ideo bonus animarum rector, maximè religiosus, inter cæteros debet singularibus virtutibus præfulgere, sicut Isaïas scribit dicens : *Seraphim, quæ sunt præeminentiora Cælestium spirituum agmina, sex alis ornata.* Et fortasse, ideo in tali similitudine, Sanctissimo Patri nostro Francisco in illa gloriosa visione Dominus apparuit, quando eum Passionis suæ stigmatibus insignivit, ut ostenderet : sic alatos spiritualiter esse debere, qui ejus familiæ utiliter præesse deberent. Sic & quatuor animalia singula, ut dicitur in Apocalypsi, *habebant alas senas.*

### C A P V T III.

*Quod prima ala Prælatorum esse debet  
zelus iustitiæ.*

Quatuor genera hominum  
dici solent,  
boni.

**P**Rima ala rectoris animarum est zelus iustitiæ, qua non potest aliquid injustum, sine cordis murmure, in se & in alijs sustinere. Tantum enim quisque bonus æstimandus est, quanto plus & prius odit malum. Quantum enim res diligitur, tantum de ejus destructione doletur. Vnde notandum, quot sunt quatuor genera hominum, in Religione vel in Ecclesia, quos bonos dicere solemus.

Primi sunt, qui malum non faciunt, nec tamen in bonis operibus se studiosè exercent, ut  
qui



qui quiete & pacificè cum alijs vivunt, nullum offendentes, nec pravo opere scandalizantes, ut habetur in primo Regum: *Homines isti satis boni fuerunt, & non molesti &c.* Nam in usu habemus, tales dicere bonos esse, qui mites sunt moribus, & socialiter se cum omnibus habent, licet quò ad virtutum exercitia, aliquatenus desides videantur. Pueri etiam baptizati eodem modo boni judicantur.

1. Re. 26. c

Secundi sunt meliores, qui mala nulla faciunt, insuper in bonis operibus se frequenter exercent, in sobrietate, castitate, humilitate, dilectione proximi & orationis instantia, & similibus, quæ intelligunt esse bona. Sed hoc habent proprium, quòd, sicut nihil negligunt ex his, quæ possunt & sciunt, ita etiam videtur eis sufficere bonum, quod faciunt, nec ad ampliora, & perfectiora Sanctitatis desideria incalescunt. Sufficit eis tantum vigilare, tantum orare, tantum pro Deo dare, vel jejunare, vel laborare, & hujusmodi, & his contenti quiescunt, altiora alijs relinquentes. Vnde Ecclesiastes dicit: *Deprehendi nihil esse melius, quàm letari hominem in opere suo, & hanc esse partem illius.*

Eccles. 3. c

Tertij sunt adhuc his meliores, qui malum detestantur & fugiunt, & bona quæ possunt studiosè exercent, & cum omnia fecerint, quæ valent, parum se fecisse reputant, respectu eorum, quæ desiderant, scientes, quòd corporalis exerci-

B

tatio



*tatio ad modicum utilis ab Apostolo perhibetur. Et*  
1. Tim. 4. c ideo viri mentales, & internæ devotionis saporē,  
& Dei familiarem notitiam, & amoris ejus ex-  
perientiam suspirando desiderant, nihil se esse, vel  
habere judicantes, nec aliquam consolationem de  
temporalibus vel spiritualibus recipientes, quàm-  
diu pro voto prædictis virtutum exercitijs & de-  
votionis dulcedine non fruuntur, nec tamen con-  
tra aliorum vitia, & peccatorum pericula zelo fer-  
voris inflammantur, cupientes omnes esse bonos  
& beatos; sed ubi hoc non inveniunt, nullo do-  
loris vulnere sauciantur, sibi met intenti & Deo.  
Tales ad aliorum regimen vocati, minus in hac  
parte sunt idonei, quia propriæ quieti curam illo-  
rum postponunt. Iuxta illud Iudicum : *Numquid*  
Iudic. 9. h *possum deferere dulcedinem meam, fructusq; suavissimos,*  
*& ire ut inter cetera ligna promovear?*

Quarti sunt optimi, qui cum prioribus bonis  
innocentiæ & virtutum zelo justitiæ & animarum  
calent; qui non recipiunt consolationē de propriæ salu-  
tis profectibus, nisi alios secū trahant ad Deum exē-  
plo Domini, qui cum in se plenum semper ha-  
beat gaudium, non contentus gloriam solus ha-  
bere, exivit assumptâ formâ servi, multos filios in  
gloriam secum adducere opere & doctrinâ : ze-  
lus enim justitiæ quasi coccus bis tinctus duplici  
charitatis colore rutilat, amoris nempe Dei, &  
proximi. Amor Dei non tantum desiderat ejus  
dulcedi-



dulcedine frui, & ei adhærere, sed etiam diligit ejus beneplacitum impleri, ejus cultum ampliari, & honorem sublimari. Vult enim eum ab omnibus agnosci, ab omnibus amari, ab omnibus ei servire, & super omnia honorari. Amor proximi desiderat non tantum ejus corporalem fœspitatem, & temporalem prosperitatem; sed magis ejus æternam salutem. Vbi ergo charitas ista perfectior, ibi ferventius desiderium ista promovendi, & instantius studium & purius gaudium, ubi hæc invenit. Charitas enim, teste Paulo, *non querit quæ sua sunt, sed quæ Dei sunt.* Quantum verò diligis Deum, & quæ Dei sunt purius desideras, tantum doles de offensa Dei, ubi vides eum non agnosci, & ideo inhonorari; ubi vides eum non amari, & ei non obediri, & ejus cultum destrui, & adversarios multiplicari & lætificari. Et quantum diligis salutem proximi, tantum affligeris de perditione ejus & nocumento profectus ejus. Et licet hæc charitas requiratur in omnibus amicis Dei, maximè tamen in vicarijs Dei, qui secundum cor Dei moveri debent amore justitiæ, & odio iniquitatis, juxta illud Psalmistæ: *Dilexisti justitiam &c.* Justitia potest hîc dici observantia omnium, quæ saluti vel profectui animarum necessaria sunt. Horum quædam procedunt a lege æterna, ut puræ virtutes, humilitas, castitas, charitas, misericordia & similes, sine quibus nul-

1. Cor. 13. 6

Psal. 44. 6.



Math. 26.c

lus quocunque tempore poterit salvari, ad quæ etiam præcepta Dei in veteri, ac nova lege maximè ordinantur. Sicut Dominus dicit ad dilectionem Dei, & proximi totam legem & Prophetas spectare, juxta illud Mathæi : *In his duobus*  
*mandatis &c.* Quædam procedunt ab humana vice Dei institutione, ut quæ per Ecclesiam pro communi utilitate Canonicè sunt præcepta, sicut ritus Sacramentorum, & aliorum ad juris positivi præcepta pertinentium, extra Canonum statuta, ab omnibus observentur, ita, ut quilibet observet illa, quæ conveniunt suo statui, & communiter omnibus imperata, laicis vel clericis. Quædam ex voto proprio proveniunt, ut ea ad quæ nemo cogitur, sed qui ea sponte voverit, jam velut ex præcepto Dei compellitur observare; ut continentia Religiosorum, & obedientia, & abdicatio proprii in monasterio, & alia quæ per regulam, vel cujusque ordinis diffinitiones ejus professoribus imponuntur. Vndè dicitur in Deuteronomio : *Cum*  
*totum voveris Domino, non tardabis reddere quia requirit illud Deus. Et si moratus fueris, reputabitur tibi in peccatum, si nolueris polliceri, absq; peccato eris. Quod autem semel egressum est de labijs tuis, observabis & facies sicut promisisti Domino Deo tuo, & propria voluntate & ore tuo locutus es.* Quædam procedunt ex quadam habilitatione profectus spiritualis, quamvis alias non forent necessaria saluti,

ut o-



ut omnis disciplina Divini Officij, & singulorum officiorum in Religione, & officiorum, & temporum in silentio, victu & habitu, labore, vigilijs & cæteris spiritualibus disciplinis, in quibus singularum religionum observantiæ variantur, sicut cuique visum fuerit expedire. Quamvis autem in his non tanta vis salutis existat, quasi sine eis non sit salus; tamen transgressio eorum deformat religionis decorem, & profectum spiritualem, & aliorum ædificationem solet impedire. Sicut enim amor iustitiæ, studiosè ista in se & in alijs promouet, & congandet, ubi videt ista sollicitè observari, ita è contrario dolet, & vritur, & accenditur pro transgressione illorum cum Psalmista qui ait: *Nonne qui oderunt te &c.* Quodam verò Psal. 138. d intimo sapore discernit, ut magis doleat de gravioribus transgressionibus & de levioribus minus. Sapiens enim quasque res ponderat, prout sunt, tam bonas, quàm malas. Insipiens autem quandoque magna pro parvis reputat, & levia quasi maxima ponderat, trabem festucam iudicat, aliquando culicem deglutiendo camelum. Luc. 11. f *Decimatis mentam & rutam: & relinquitis quæ graviora sunt, ait Salvator:* tales zelo proprio feruntur, & non spiritu Dei in hac parte aguntur. Sicut quidam pro una inclinatione in choro neglecta, plus accenduntur puniendo, quàm pro longa detractione de alio religioso excitata. Gravius indignantur pro



versiculo & rubriculâ neglecta, quàm pro magna perturbatione cum scandalo procurata. Principaliter igitur cavenda & dolenda est transgressio præceptorum Dei, & deinde inviolabilium præceptorum Sanctæ Ecclesiæ, deinde illorum quæ sub voto voluntario sibi met quisque fecit necessaria, ut regulares observantiæ, maximè quæ sub præcepto sunt statutæ, deinde omnia scandala speciem mali quamcunque habentia, nempe avaritiæ, superbiæ, invidiæ, gastrimargiæ, iracundiæ, suspectæ familiaritatis, inobedientiæ, & similium vitiorum, quæ odorem famæ religiosorum, quo alij fideles debent ab eis ædificari, & ab eis discere, quid cavere debeant & facere, fateri faciunt, ut magis per eos inficiantur scandalo, quàm reficiantur virtutis exëplo, dicente Apostolo: *nomen Dei per vos blasphematur inter gentes*. Facilius autem gravius peccatum occultum curatur, quàm tale scandalum, quia illud per secretam potest sanari pœnitentiam, scandalum autem vix avellitur à cordibus omnium, ad quos fortè pervenit.

Rom. 2. d

Deinde cavenda est perturbatio studij devotionis, ex qua fulcitur omnis vera religio, & omne virtutis exercitium impingvatur. Arida est omnis religio, quæ non oleo isto saginatur. Instabilis est bonorum operum structura, quæ devotæ orationis frequentia non compaginatur, sicut paries lapidum sine cœmento. In omni religione ubi



ne ubi devotionis fervor tepuerit, etiam aliarum virtutum machina incipit deficere, & propinquare ruinæ : *Lampades fatuarum virginum sine oleo extinguuntur*, ut ait Mathæus.

Math: 25 x

Deinde cavenda est negligentia exterioris disciplinæ, quæ pro decore religionis, & habilitationis profectus spiritualis statuta est, cujus desertio signum est neglectæ conscientiæ, & interioris levitatis. Talis autem disciplinæ observantia non ita mandatur, quasi aliter non liceat vivere, sed quia sic magis convenit propter honestatis conformitatem & uniformem fratrum conversationem, nè pro libito quisque vivat & faciat, unde fortè alij turbentur. In talibus autem observantiis, quæ in se indifferentes sunt, sed propter aliud statutæ, ut dictum est, major est habenda diligentia, ut bene servantur, quàm scrupulosè timendum, si ex aliqua surreptione quandoq; transgrediantur; nisi fortè consuetudo generaret deformitatem, & dissimulatio negligentiam nutriret, tunc propter aliud malum consequens præcavendum, zelus disciplinæ dormire non debet.

Verus igitur iustitiæ zelator primò cavet, ne malum aliquo modo faciat, vel doceat. Secundo nè licentiet vel concedat quacunq; importunitate seu circumventionem molitus. Tertiò nè fa-  
veat vel diligat fieri, etiamsi eo irrequisito fiat, vel absente. Quarto nè dissimulet & taceat quæ  
si nesci-



si nesciens, cum ad eum pertineat arguere, & ostendere quantum malum, & deterrere, nè ulterius audeant similia attentare. Quintò nè inultum esse patiat, quia aliquod bonum parit peccati castigatio, scilicet, quòd ipse, qui fecit, prohibetur ultra peccare, dicente Domino: *Iam noli peccare, nè deterius tibi aliquid contingat.* Item quia purgatur à peccato, nè à Deo postea durius puniatur, ait enim scriptura: *Tu virgâ percuties illum, & animam illius de inferno liberabis.* Item quia per hoc alii erudiuntur, ut caveant similia perpetrare, iuxta illud: *Pestilente flagellato, sapientior erit parvulus, id est, tenellus & novus cautior esse discet.* Item ipse prælatus, vicarius superni iudicis. liberat animam suam à peccato negligentia, officium suum sic implendo. Quod quia Heli sacerdos non fecit, mortis sententiam cum filiis peccantibus excepit: ut habetur in 1. Regum. In hoc enim differunt laudabiles religiones & iam dilapsæ, non quòd nullus peccans in laudabilibus reperiatur, sed quòd nullus impunè peccare sinatur, & peccandi aditus studiosè præcludantur, & incorrigibiles & alios inficientes eliminantur, & boni foveantur & diligantur, ut perseverent, & in melius semper proficiant. Nam cum in conventu Angelorum ante confirmationem, & in ordine Apostolorum sub magisterio Christi reperta sit pravitatis, quis ordo bonorum in terra audeat sibi ar-

rogare



rogare hanc prerogativam, quòd peccatum in eo  
non sit? quia & si plurimi per Dei gratiam immu-  
nes ibi fuerint, sed non omnes. *Vos mundi estis sed* Ioan. 13. b  
*non omnes;* ait Dominus. Bonis enim, quamdiu sunt  
hic in statu merendi, expedit aliquos malos secum  
habere, qui eis sint maioris occasio meriti, quibus  
compatiantur in malis suis, contra quos zelus eo-  
rum inardescat, quos corrigere laborent, quibus si-  
miles fieri pertimescant, qui eis sint tentationis ma-  
teria, à quibus etiam persecutiones sustineant, &  
ex quorum consideratione confusi humilientur,  
quia tales non sunt, admoneantur. Gratia-  
rum actionis ei, qui custodit eos, nè tales effici-  
antur. Si autem deessent bonis prae dictarum  
virtutum occasiones, merita ipsorum tanto fierent  
etiam minora dicente Paulo: *Quae enim semina-* Gal. 6. b  
*verit homo, haec & metet.* Nec tamen diligendi  
sunt mali seu fovendi, sed tolerandi: maxime quo-  
rum occulta sunt mala, & alios non inficiunt, &  
est spes de correctione ipsorum. Vbi verò ista  
defecerit, ibi sine gravi detrimento sustineri non  
possunt: & ideò eliminandi sunt, nè putetur eo-  
rum pravitas bonis placere. Interim etiam dum  
tolerantur, puniendi sunt stimulis admonitionum,  
correctionum, confusionum, & castigationum; ur-  
gendi etiam fomentis exhortationum, consolatio-  
num, & orationum, & promissionum, si fortè con-  
valescant de infirmitate, & fortes fiant. Præclu-



denda est eis via peccandi, & tentationis aditus obstruendi, quod etiam bonis expedit, nè oportunitas mali faciat eos deteriores. Prælatus enim vicarius Dei, cui data est potestas à Domino super familiam suam, & cui debent subditi ea de causa vice Domini obedire, si non corrigit delinquentes, si permittit sub se vitia crescere, & consuetudines malas oriri, & iam exortas roborari & dilatari, si videt regulares observantias dilabi, & transgressiones multiplicari, & pro posse non obviat tam præsentibus malis, quàm imminentibus, triplicem Deo reddet rationem.

Sap. 6. a  
Primò pro sua negligentia, quando non fecit ad quod officio tenebatur, nam ait sapiens : *Cum essetis ministri regni illius, non rectè judicastis, nec custodistis legem justitiæ, neq; secundum voluntatem ejus ambulastis. Horrendè & citò apparebit vobis; quoniam judicium durissimum his, qui præsumunt, fiet, &c.*

Ezech. 33. c  
Secundò quòd omnia peccata subditorum, quæ poterat & debuerat correxisse, & præcavisse, imputantur ei. Vndè dicitur Ezechielis : *Si non fueris locutus, ut custodiat se impius à sua via, ipse impietate sua morietur, sanguinem autem ejus de manu tua requiram.*

Matt. 25. a  
Tertiò, pro abusione honoris, & potestatis sibi collatæ, quam ad propriam gloriam & commodum retorlit, & non ad quod data est ei. *Tollite ab eo talentum*, ait Christus : *& intilem servum e-*



*vum eijcite in tenebras exteriores ibi erit fletus & stridor dentium.* Ostendat ergò bonus zelator, quantum diligat Deum, in eo, quod beneplacitum ejus in se & in alijs promoveat, nè ab hoc zelo mollescat per desidiam, nec labore lassetur, nec consilijs flectatur, nec astutiis circumveniat, nec amicitia, nec blandimentis deliniatur, nec minis terreatur, nec per diuturnæ pravæ consuetudinis præscriptionem desperet, quin suum officium exequatur.

#### C A P U T IV.

##### *Quod secunda ala Prælatorum est Pietas.*

**S**ecunda ala hujus Ecclesiastici Seraph: est pietas, sive fraterna compassio, ut sicut cum charitas Dei ad zelum justitiæ inflamat, ita fraterna dilectio ad pietatem informet. Nam etsi vi-  
tius debetur virga feriens, infirmitati tamen necessarius est baculus sustentans, dicente Propheta :  
*Virga tua & baculus tuus &c.* & Paulo : *In virga veniam ad vos, an in charitate & spiritu mansuetudinis ?* Sic & ille Samaritanus vulneribus illius semivivi relictus, infudit vinum zeli ferventis, & oleum pietatis mitigantis. Alia est autem infirmitas corporis, alia mentis, & utraque indiget compassione.

Psal. 22. a

1. Cor. 4. d



Infirmitas corporis triplex est. Primi sunt infirmi decumbentes in lectulis, vel in acutis, vel in alijs infirmitatibus gravibus laborantes. Alij sunt infirmi per domicilium, vel etiam per terram quandoque deambulantes, & tamen sæpè gravibus doloribus afflicti, ut calculosi infistulati, ponderosi & similes. Tertij determinatam infirmitatem non habentes, sed tamen corpore debiles, & viribus exhausti, ut senes, & laboribus confecti, vel naturali infirmitate depressi, sed quandoque accidentali langvore ad tempus attriti. His est triplici pietate subveniendum, scilicet remedijs medicinalibus, si congruè potest fieri. Item relaxatione rigoris, in victu, vestitu, vigilijs, & hujusmodi. Item exemptione laboris, in officijs, servitijs, decursibus, & hujusmodi, prout cujusque necessitas exquirat: ità quòd primis de primo, secundis de secundo, tertijs de tertio, juxta singulorum indigentiam speciali succurratur. Omnis humanitas est infirmis & debilibus exhibenda, quia flagellati sunt à Domino: si super hoc ab hominibus tribulantur, ipsa eorum miseria clamat ad Patrem misericordiarum contra illos, qui eos tribulant conquerendo, dicente David: *Quoniam quem tu percussisti persecuti sunt: & super dolorem vulnorum meorum addiderunt &c.* Infirmus enim, quia afflictus sibi met subvenire non valet, eo ipso amplius tribulatur, quia ab his, à quibus deberet, non



non consolatur, non à labore relevatur, non subvenitur indigenti, nec habet sibi compatiensem, juxta illud Propheticum: *In conspectu tuo sunt omnes qui tribulant me, improperium expectavit cor meum & miseriam. Et sustinui qui simul contristaretur, & non fuit; & qui consolaretur, & non inveni. Et dederunt in escam meam fel exprobrationis, & in siti mea potaverunt me aceto objurgationis.* Fiant ergò eis, quæ sequuntur &c. Bonus autem Prælati agnoscit se fratrum suorum Patrem, non Dominum, & exhibet se eis medicum, non tyrannum: nec reputat eos ut jumenta sua, vel servos emptionis; sed ut filios hæreditatis supernæ consortes: & facit eis, sicut vellet sibi fieri, si similiter indigeret. Sed fortes, & sani non sentiunt, quod sentit æger, ideò nesciunt eis compati; scient autem postea cum dolebunt. Quod si obijciant, quia sæpè fingunt se quidam debiliores, quàm sint, numquid propter hoc omnes sunt hypocritæ judicandi? e contrariò pro paucis justis, ut habetur in Genesi, multis malis Dominus voluerit pepercisse. Psalm. 68. c

Triplici autem ratione magis indigent infirmi subsidio pietatis, quàm sani & robusti: Primò propter sustentationem vitæ, quia seipsos non valent procurare, si tunc etiam ab alijs non procurantur, coguntur deficere, & non possunt subsistere, juxta illud: *Nè penitus pereat, qui abjectus est.* Gen. 18 d.

Secundò propter restaurationem sanitatis & viri-  
um, quas in infirmitate perdiderunt. Cum enim  
sanus & fortis solus indigeat sustentamento, ut  
quod habet, conservet æger; & debilis indiget  
duplici refectione, nè pereat, & perdat, quod ad-  
huc habet, & reparet quòd amisit, dicente Do-  
mino : *Ab eo qui non habet, etiam quod videtur ha-  
bere, auferetur.* Tertiò propter consolationis rele-  
vamen, quia cum sic multipliciter affligantur, so-  
latium est eis, cum vident alios sibi compati, &  
ad reparationis suæ studium fideliter cooperari :  
& dicunt cum Saul : *Benedicti vos à Domino, quia  
doluistis vicem meam.*

Sed dicunt aliqui : Illis debilibus dignè sub-  
venitur, de quibus est spes convalescentiæ, in illis  
verò de quibus non præsumitur, quòd aliquando  
convalescant, inutiliter consumuntur expensæ. Hoc  
rectè diceretur, si non propter meritum charita-  
tis, sed propter retributionem humanæ utilitatis,  
deberet infirmis misericordia exhiberi. Qui au-  
tem propter hoc infirmo subvenit, ut cum sana-  
tus fuerit, benefactum illud servando retribuatur,  
merito charitatis se privat. Vbi enim major mi-  
seria, ibi clarior misericordia apparet, & purior  
charitas. Expediit ergò Prælatum, quandoque  
experiri infirmitates cæterorum : ut discat com-  
pati, juxta illud : *Non habemus Pontificem, qui non  
possit compati infirmitatibus nostris &c.*

Infir-



Infirmorum mente etiam sunt tria genera. Infirmorum  
mente tria  
genera.  
Primi, qui ex devotionis defectu, vel tentationis impulsu, proni sunt ad scandala, & peccata, ex facili occasione vacillantes, & ad lapsum proclives, ut ait Apostolus : *Inter vos multi infirmi, & imbecilles.* 1. Cor. 11. &c.

Secundi, qui licet bonæ voluntatis sint, & devoti; tamen ex levi correptione, vel invectiva, objurgatione effecti pusillanimes, aut coincidunt in quandam desperationis diffidentiam, aut prorumpunt in gravem commotionis impatientiam; unde postmodum dolent, & cæteri quandoque turbantur. unde Paulus : *Debemus nos firmiores imbecillitates* Rom. 15.2 &c.

Tertij sunt omnes generaliter imperfecti, qui in diversis virtutum studijs sæpè vacillant, & varijs passionum febribus sentiunt se interdum etiam reluctantes pulsari, modò elationis, modò iræ, modò acediæ, & invidiæ, concupiscentiæ, gulæ, & aliorum vitiorum, tam carnalium, quàm spiritualium, qui dicere debent cum Psalmista : *Miserere mei Domine, quoniam infirmus sum,* Psal. 6. &c.  
Remedia his infirmitatibus adhibenda sunt, ut subtrahatur eis occasio scandali, opportunitas peccandi, nè videant unde infirmentur, vel audiant, & nè sæpè permittantur extra domum vagari : Digna enim, ut ait scriptura, egressa domum corrupta est : & per exhortationes crebras exemplis  
patien-

Col. 3. d

Eccl. 1. d  
in sensu.

Gen. 33. c

1. Th. 2.

patiētīæ, cōfortētur & à duris increpationibus, donec conualescant. de infirmitate, parcatur eis & alijs offensis, quibus perturbentur. Vnde Apostolus : *Patres nolite ad indignationem provocare filios vestros, ut non pusillo animo fiant, Qui enim amplius commouet satīs per se commotum, quasi prouocat contra se canem latrantem, vt mordeat eum. Item æquanimiter mores, & imperfectiones eorum supportentur. Nam dicit sapiens : Non omnes omnia possunt. sicut autem rudibus, & minūs peritis, solent Doctores eorum imperitiæ ignoscere, cū minūs rectē sentiant, ita & uirtuosi benignē supportant aliorum defectus, scientes, quod non omnes possunt æqualiter esse perfecti, & quasi paruulis & teneris in Christo grauiora, quā ualeant portare, onera non imponunt, nec ab eis exigunt ea, quæ uires ipsorum excedunt. Hinc in Genesi : *Nōsti quod paruulos habeam teneros & oues, & boues fetas mecum, quas si plus in ambulando fecero laborare, morientur unā die cuncti greges* hoc est. Qui paruulos imperfectos, & aliquam bonam habentes uoluntatem, quasi fætus in utero, plus urget in exercitio uirtutis, quā secundum gratiam, quam acceperunt; etiā illud quod jam habent, supra vires agitando, extinguit in eis : quod præuidens Paulus ait : *Facti sumus paruuli in medio uestrū, tanquam si nutrix foveat filios suos, quod ita humiliter & piē blanditus sum vobis, condescendens uestræ teneritudini & im-*  
*perfecti**



*perfectiōni* Quo contra de duris, & non compas-  
 sivis pastoribus conqueritur Dominus : *Quod in-* Eccl. 34. a  
*firmum fuit, non solidastis, & quod egrotum, non sana-*  
*stis, & quod fractum non alligastis, & quod perierat*  
*quæstistis. Sed ea austeritate imperastis eis, & cum*  
*potentia, &c.* & Bernardus : ut quid gravatis jugum Bern. ferm.  
*vestrum, cum cernitis discipulorum, quorum vos potius* 23. in Can.  
*jugum portare debetis ? Ponite onera, producite ubera,* ante med.  
*pecora lactate, quiescant.* Et si interdum severitate paucis mu-  
 opus sit, paterna sit, non tyrannica juxta illud : tatis.  
*Porta eos in sinu tuo, sicut portat mulier infantulum* Num. 11. e  
*suum, & defer in terram, pro qua juravi, &c.*

## CAPUT V.

*Quod tertia Prælatorum ala est patientia.*

**T**ERTIA ala Ecclesiastici Seraph: est patientia &  
 constans longanimitas. Sicut enim tectum  
 tabernaculi, ut interiora munda manerent & ni-  
 tida, excepit in se pulveres, & imbres, & vento-  
 rum impulsus, ita superiores, qui fideliter subditos  
 suos defendunt è turbine peccati, necesse est sæpè  
 diversarum excipere tempestates adversitatum, si-  
 cut gallina pro pullis se obijcit milvo, ut eos de-  
 fendat.

Tria verò sunt inter alia, in quibus patien-  
 tia ei necessaria maximè videtur. Primò propter  
 multiplices labores & curas, & occupationes di-

Patientia  
 in tribus  
 necessaria  
 Prælato.

versimodè emergentes. Cura enim continua urget eum, tam de spiritualis providentia disciplinæ, quàm de corporalis subsidij provisione. Vndè & Apostoli non solum de spiritualibus, sed & temporalibus fidelium necessitatibus, maximè pauperum, solliciti erant, juxta illud : *Iacobus & Ioannes & Cephas dexteras dederunt mihi & Barnabæ societatis, ut nos in gentes, ipsi autem in Circumcisionem, scilicet Evangelij prædicationem extenderent, tantum ut pauperum Christi memores essemus . quòd etiam sollicitus fui hoc ipsum, facere, &c.* Dominus quoque turbas, quas verbo salutis pavit, etiam pane corporali in desertò se sustinentes, cum aliunde non haberent, refecit. Occupationes quoque variæ tam ex domesticis curis, quàm extraneis causis frequentes emergunt, quibus cogitur aliquatenus implicari, & quomodo se de illis expediat, anxari. Ex his etiam labores plurimi crescent discursuum, vigiliarum, & tractatum, & aliarum fatigationum, pro quibus omnibus patientia ei necessaria est, ita, ut Moyse mitissimus, & Deo familiarissimus propter hoc, in plures onus gubernationis populi sit partitus, quasi non valens tot negotia sustinere, sicut scriptum est : *Non valeo solus vestra negotia sustinere, & pondus, ac iurgia, date ex vobis viros sapientes & gnaros, & quorum conversatio probata sit in tribubus vestris, & ponam vobis eos Principes &c.*

Secun-



Secundò est ei patientia necessaria, pro tar-  
do profectu illorum, in quibus continuò fatiga-  
tur. Videt enim paucos eorum proficere, videt  
post, quia per multos conatus suos, ea quæ mul-  
to labore in modico jam emendari cæperant, ex  
facili iterum dilabuntur, & propter plures diffi-  
cultates, & obstacula profectum spirituales im-  
peditia, quasi in desperationem tendere fructum  
laboris sui, sicut qui multa seminavit, & pauca  
conspicit oriri, uidet etiam quandoque, quæ per-  
sonaliter iubet & ordinat, negligenter impleri &  
servari, & sæpè sub specie boni, latenter malum  
subintrare, ita quòd non audet apertè ut malum  
redarguere, cum bonum in superficie appareat, &  
tamen in fine per hoc majus bonum destruitur,  
& apertioribus malis aditus aperitur, verbi gratia,  
ut multi salventur, plures quam opportunè tenere  
possumus, recipimus. Sed ipsa tandem multipli-  
catio, erit paupertatis nostræ obfuscatio, dum plu-  
res velint pluribus gaudere, non carere: indè se-  
quitur frequentior discursus, pro acquirendo neces-  
saria, exquiruntur viæ insolitæ in petendo, incau-  
tius agitur contra regulam; uel recipiendo: quies  
deuotionis extinguatur, mores religiosi in disuetu-  
dinem uertuntur, consuescunt fratres libenter eua-  
gari, & diuersa carnis commoda foris uenari, fa-  
miliaritates in regula prohibitas, contrahere, mu-  
nera à confitentibus quærere, ædificationes anima-

rum pro quæstu vendere, divitibus adulari, areas dilatare, sumptuosa palatia exaltare, scandala non curare, & Dei honor, qui ex nostra sancta conversatione, & aliorum exindè ædificatione provenire debuerat, agendo his contraria, conculcatur. Idem est de præpropere promotione juvenum, & nondum probatorum ad ordines, & officia confessionis, prædicationis, & prælationis. Idem de pluribus quæ coram hominibus sunt alicujus apparentiæ, Sed religionis puritatem interius coram Deo obscurant, & rudes in religione, qui internè non sapiunt, putantes in his exterioribus honestatibus, totam vim spiritualis conversationis constare, magno zelo eas defendunt, & de veris virtutibus, & spiritualibus non curant. Hæc & alia plurima videns spiritualis prælatus, qui omnia in veritate dijudicat, tabescit, uritur, & non valens corrigere pro desiderio, in virtute patientiæ mirabiliter exercetur, dicit cum Propheta : *Tabescere me fecit zelus meus, & zelus domûs tuæ commedit me, &c.*

Psal. 118. f

& Ps. 68. b

Tertio necessaria est ei patientia, pro ingratitudine illorum, pro quibus tanta solitudine laborat, scilicet quod vix unquam eis satisfacit, quin semper conquerantur, quod aliter posset eis & melius facere si vellet, quod sæpè perplexus est, an debeat eorum importunitatibus cedere, & acquiescere in omnibus, quæ cupiunt, vel rigidè tenere, quod



quòd credit esse magis expediens, juxta illud Pauli : *Quid eligam ignoro, coarctor enim &c.* Item Philip. 1. a  
quòd invertuntur ei plurima quæ facit, & interpretantur ad deterius, & super his visitant eum, & murmurant, & accusant, & detrahunt ei, & sumunt indè materiam scandali, unde putabat se Deo & ipsis obsequium præstitisse, ità, quod vix in aliquo potest inveniri remedium, in hoc quòd ordinat, aut quòd facit, quin semper aliquibus displiceat & turbentur. Item, quod etiam in faciem quidam resistunt ei, vel literis arguunt eum, & despiciunt, & concitant alios, ut se ei opponant, vel astutè impediunt, nè possit perficere quæ debet. His & alijs adversis quibus diversimodè impetitur, triplici patientia studeat se opponere. Primò ut modestè & maturè benignè ad singula respondeat, & impetum fervoris reprimat, nè in voce aut vultu seu moribus impatientiam ostendat. Tunc enim magis proficit per patientiam, & tandem devincit, quos impetuosè agendo amplius provocaret. Sic Gedeon modestè respondens viris Ephraim contra se jurgantibus, compescuit spiritum eorum, quo tuebant. Nam teste sapiente : *Responsio mollis frangit iram, sermo durus suscitatur furorè.* Vix enim cōmotio cōmotione sedatur, & vitium vitio non sanatur. Impatientia enim prælati confundit, quæ promovere poterat bona. His modis alios scandalizat, juxta illud : *Qui impatiens est* Pro. 14. d

- exaltat stultitiam suam, scilicet alijs pandendo. Red-*  
*dit enim subditis & alijs contemptibilem, ut di-*  
*citur in Proverbijs : Qui vanus & excors est, pa-*  
*tebit contemptui. Facit eum exosum & horren-*  
*dum, juxta illud Ecclesiastici : Terribilis est in Ci-*  
*uitate sua homo lingvofus, & temerarius in verbo suo*  
*odibilis erit. Provocat alios ad impatientiam, di-*  
*cente scriptura : Vir iracundus provocat rixas, qui*  
*autem patiens est, mitigat suscitatus. Non audent*  
*ei subditi necessitatem suam aperire, juxta illud*  
*Iob Si ceperimus loqui tibi, forsitan moleste accipies.*  
*Replet domum murmure, & rancore, ut patet in*  
*Proverbijs : Qui conturbat domum suam, possidebit*  
*ventos, scilicet conspirationum. Teneros mente*  
*fugat, & pusillanimes facit, sicut dixit Salomon :*  
*Spiritum ad irascendum facilem quis poterit sustinere?*  
*Nemo audet eum monere de his, quæ forent e-*  
*mendanda, ut patet in primo Regum : Ipse est fi-*  
*lius Belial, ita ut nemo possit ei loqui.*

Secundo studeat esse pacificus, ut nec vindi-  
 cet se de illatis injuriis, nec in corde oderit illos,  
 nec curam segnius agat : nec quærat eos, è se re-  
 movere, imò lubentius teneat eos, ut per hoc  
 & illos & alios ædificet, benefaciendo ingratis, &  
 ut per se virtutis exercitium in eis habeat; exem-  
 plo summi Pastoris, qui ait : eritis filij Altissimi,  
 quia ipse benignus est, super ingratos & malos.  
 Cum enim sit propriè officium pastoris docere vir-  
 tutes



virtutes, si vitiosos removeret à se, quos docebit ? Si medicus fugit ægrotos, quos curabit ? si fortis tyro declinat impetentes se, quomodo assequetur triumphum gloriæ ? Si negotiator negligit merces, in quibus magna lucretur, quomodo poterit ditari ? Indè est quòd inter alios tot Sanctificati sunt Episcopi, & Prælati; quia tam agendo bona, quàm patièdo adversa, & alios ædificando, ad alta perfectionis culmina officij sui occasione pervenerunt, dicente Paulo : *Qui Episcopatum desiderat, &c.*

1. Tim. 3. 2

Tertio si patiens, non minus sit voluntarius, & studiosus ad exequenda ea, quæ officij sui sollicitudo requirit, propter tædium laboris, vel tarditatem profectûs, vel importunitates subditorum, vel alia gravamina, quia sic ad alta merita pervenitur, juxta illud : *Vos ergò confortamini, & non dissolvantur manus vestre, erit enim merces operi vestro.* Istæ manus Prælati sunt instantia in agendo, & patientia in sufferendo, quod gravat : quæ si non dissolvantur per desidiam, seu intollerantiam, merces æterna ei cumulatur. Per has namque adversitates rector a peccatorum pulvere purgatur, quem contrahit ex humanæ infirmitatis surreptione : In multis enim offendimus omnes, etiam in pluribus negotijs plures negligentiae sæpè fiunt, à quibus purgari necesse habent hic Prælati, nè illic durius puniantur, juxta illud : *Si iniquè aliquid gesserit, corripiam eum in virga virorum, & in plagis filiorum hominum.*

2. Par. 15. 5

Iacob. 3.

2. Reg. 7. 6

Item

Item per has dum deprimitur, a tumore superbiæ custoditur, quæ potentibus periculosius insidiatur, dum & sublimitas officij, & libertatis licentia, & boni operis placentia, facile mentem ejus extollerent, nisi adversitatis jugum collum præsumptionis ejus humiliaret, & sic à superbiæ voragine defensaret: Nam in Iob legitur: *Erudiens instituit disciplina, ut avertat hominem ab his, quæ fecit, & liberet eum desuper eruens animam ejus à corruptione, & vitam illius, ut non transeat in gladium. Increpat quoque per dolorem in lecto &c.* Custos enim salutis, & profectus boni rectoris est humiliatio adversitatis, sine qua eam successus prosperitatis citò relevasset in ventum præsumptionis. Vndè David secundum cor Dei electus, quando premebatur adversis, devotissimus fuit & humilis; quandò autem extollebatur prosperis, incidit in culpam offensionis, ipso attestante cum dicit: *Bonum mihi quia humiliasti me &c.* Item, ut dictum est, meritum ejus exindè multiplicatur, dum non solum pro bonis, quæ in se & alijs promovet, gloriam acquirit, sed & pro adversis, quæ patitur magnificè coronatur, sicut aurum quod per ignem probatum, fit pulchrius & pretiosius, sicut scriptum est: *Tanquam aurum in fornace probavit, &c.* Sæpè autem spiritualis profectus crescit, dum non sentitur; & roboratur, cum magis infirmari putatur, juxta illud: *Sic est Regnum Dei, quem admodum*

Iob. 33. b

Psal. 118.

Sap. 3. b

Mat. 4. c



*modum si homo jaciat sementem in terram, & dormi-* Matth. 4. c  
*at, & exurgat nocte ac die, & semen germinet &*  
*crescat dum nescit ille, &c.* Non autem mirum,  
si omnes conatus rectoris, non proficiunt in omni-  
bus; cum nec Dei operatio in omnibus proficiat  
ad salutem ipsorum; & multi sint vocati, & pau-  
ci electi. Omnia enim quæ seminantur, non con- Matt. 22. b  
valescunt, & qui thesauros effodiunt libenter mul-  
tam terram eruperant, ut modicum auri, vel ar-  
genti reperiant. Tantus autem profectus est boni  
rectoris, quantum foret detrimentum, si non esset,  
sicut lux tantum est bonum, quantum ejus absen-  
tia malum. Animare etiam debet rectorem ad  
laboris tolerantiam, quod non minus meretur in  
illis, qui deficiunt, vel modicum proficiunt, quàm  
in his qui maximè proficiunt. Non enim dicit  
Apostolus: Vnusquisque propriam mercedem ac- 1. Cor. 3. b  
cipiet, secundum suum profectum, sed secundum  
suum laborem. Dei enim est incrementum dare,  
plùs enim laborat doctor in indocili, quàm in do-  
cili discipulo: & ideò apud istum æstimatorem  
laboris, plùs meretur. In terra sterili & saxosa  
agricola plus laborat, & si fructus paucior, sed  
pretium majus. Et quæ difficiliùs elaborantur,  
sæpè carius venduntur.

## CAPUT VI.

*Quarta Prælatorum ala est, quod sit exemplaris in vita.*

**Q**uarta ala est, ut sit exemplaris in vita. Ipsa namque debet cæteris esse norma vivendi, ut quæ docet verbis, ostendat actionum figuris; sicut qui Geometriam docet, pingit in sabulo figurarum demonstrationes, ut quod dicit, melius capiatur: Act. 1. a nam dicitur in Actis: *Cæpit Iesus facere, & docere.* Ioan. 13. b & alibi. *Exemplum dedi vobis ut quemadmodum ego feci vobis, & vos ita faciatis.* Iudic. 7. c Gedeon ait suis: *Quod me facere videritis, hoc facite.* Quamvis igitur non solum in præfatis, sed in omnibus virtutum exemplis debeat rector præcedere subditos, specialiter tamen in his tribus: scilicet in communis observantiæ conformitate, in mansuetudinis humilitate, & in maturitatis honestate. Tit. 2. b Unde Apostolus: *In omnibus teipsum præbe exemplum bonorum operum, in doctrina, in integritate, & in gravitate.* Communem vitam cum cæteris observet, in victu, vestitu, & labore, ut non vacet convivij, & potationibus, cum alij sobrio cibo & potu utatur, nec sit eis dissimilis habitu, cum quibus est ei professio communis. Nec à labore cæterorum se subtrahat, qui illos jubet in eisdem laboribus



boribus exerceri. Pastor si se à grege segregat ,  
 oves insidijs luporum exponit. Sanus sit- sanis ,  
 & infirmus infirmis, velut alter Paulus, qui dice-  
 bat : *Factus sum infirmus infirmis*, scilicet exemplar, 1. Cor. 9. d  
 ut infirmos lucraret. Omnibus omnia factus sum,  
 ut omnes facerem salvos. Nam si sanus, debili-  
 ter vivat, facit eos exemplo suo carnales. Si verò  
 infirmus, recusat infirmorum remedia, facit eos pu-  
 fillanimes innuens, quòd aut velit eos similiter  
 facere, aut non cupiat eis, ut melius fiat illis. A-  
 lacrius certat miles in acie, si ducē suum secum cer-  
 nit laborem certaminis tolerare. Vndè in Actis  
 dicitur : *In omni tempore, quo intravit, & exivit*  
*inter nos Dominus Iesus, incipiens à baptismo Ioan-*  
*nis, usque ad diem, quā assumptus est à nobis, &c.*  
 hoc est à primo tempore, quo cepit habere disci-  
 pulos post baptismum, usquequo ascendit ad Pa-  
 trem, semper exemplo suo erudit nos : intrans ,  
 familiariter cum discipulis vivendo ? & exiens u-  
 tiliter cum turbis, prout congruebat, conversando.

Act. 1. d

Sit etiam humilis moribus, ut mores ejus o-  
 stendant eum, non alta de se sentire, nec affectare  
 prælationem, sed timere, & coactum tenere, &  
 magis desiderare subesse, & eos quibus præest,  
 meliores se, judicare, & eorum potius se servum,  
 quàm magistrum vel Dominum reputare. *Qui ma-*  
*ior est in vobis, fiat sicut minor : & qui præcessor est*  
*sicut ministrator*, ait Dominus, *Ego autem in medio*

Luc. 22. c

Eccl. 23. a

*vestrum sum sicut qui ministrat &c.* Vnde in Ecclesiastico dicitur: *Rectorem te posuerunt, &c.*

Sit etiam humilis affabilitate ut subditi facilè accessum ad eum habeant, & fiducialiter ei loqui, de quibus indigēt, audeant; & patienter eos audiat, & benignè eis satisfaciat, & studiosè instruat, & alacriter exhortetur, studeat magis amari quàm timeri, quia lubentiùs obeditur ei, qui diligitur, quàm qui timetur. Obedientia dilectionis propriæ est voluntaria, timoris autem magis est coacta. Quanto ergò illa habet de voluntario, tanto sublimior est in merito, finis autem officij regiminis est, commissos sibi ad vitam æternam dirigere, & ad similia virtutum merita fideliter promovere.

Sit etiam humilis in usu rerum temporalium, ut nihil habeat pomposum vel diligit, sed omnia quæ habere videtur, paupertatem voluntariam demonstrent, & humilitatem ostendant, scilicet vestes, libri, cella, lectulus, utensilia, mensa, pallia, & hujusmodi, ut nihil in omnibus appareat, quòd notam jactantiæ, vel curiositatis habeat, nec talia fieri ab alijs patiat. Similia etenim similibus congaudent, alta sublimibus, humilia humilibus delectando. Non est autem humilis cordis indicium curiosa quærere, pretiosa affectare, & excelsa ambire. Nam scriptum est: *Omne sublime videt, ipse est Rex super universos filios superbie.*

Maturitatis honestas perpenditur in tribus; scilicet, si non sit levis in moribus, videlicet in



verbis, & iocis scurrilibus, & irreligiosis, quæ licet in se quandoque quasi grata putentur, minus tamen reverendum faciunt, & verendum. Gregorius enim dicit : *Non facile ejus prædicatio recipitur, si levis in moribus videtur.* Nam & si Prælati magis diligendus sit, expedit tamen, ut ab insolentibus timeatur. Ipse amor aliquo modo suavior sentitur, cum reverentia mixtus. Quod patet in amore summi Conditoris; cujus quo Majestas sublimior agnoscitur, dignationis dulcedo sapidius amatur, sicut dicit Propheta : *Dulcis & rectus Dominus, propter hoc legem dabit.* Greg. ho. 3.  
in Ezech.  
ante med. Psal. 24. b

Itē si non sit levis in affectu per privatos amores notabiles tã ad fæminas, quã ad quaslibet leves personas. Licet enim maiores in affectu præferendi sint minoribus, & omnes propter spem salutis in Christo amplectendi sint, in actu tamen exterioris exhibitionis, taliter se gerat ad omnes, ut nullus se ab eo contemni propter alios suspicetur, sed quilibet se ab eo diligere præsumat, & fiducialiter ei quasi singulari amico confidat : nè alicui indignatio, & invidia in alijs nutriatur, sicut fratres Ioseph qui oderunt eum, pro eo quòd à Patre singularius amaretur, ut dicitur in Genesi.

Gene. 37.

Item si non est levis in proposito, & inconstans in consilio, ut quod jam placet, mox displiceat, modo velit unum, modo contrarium, ubi rationabilis causa non apparet. Quis enim ejus iudicio credat, vel voluntati se contemperet, quem

in neutro stabilem agnoscat? Ideò ejus subjecti non possunt ejus revereri prudentiam, nec sciunt se parare ad voluntatis ejus obedientiam, & in utroq; non potest esse modicum nocumentum. Propterea dicit Paulus : *Omnia probate, quod est bonum tenete, & facite, sine hæsitacione, & retractationibus, quæcunq; facitis.* Vbi tamen causa rationabilis subest justæ necessitatis vel piæ utilitatis, vel aliter aliquid fieri expediat, non est hoc levitatis sed maturitatis; quia sicut stultum esset melius mutare in deterius, sic etiam stolidi est obstinatio, tam pertinaciter inhærere conceptis, ut pro majori bono, & aperto ab eis flecti non possit, juxta illud : *Nec putetis si diversa jubeamus, ex animi nostri venire levitate, sed pro qualitate & necessitate temporum, ut Reipublicæ poscit utilitas ferre sententiam.* Vnde & Apostolus excusat se : Cum promiserit Corinthijs se venturum, quòd non levitate hoc promiserit, sed eorum utilitate cum dicit : *Volui prius venire ad vos &c.* & in Ecclesiastico : *Secundum judicem populi, sic & ministri ejus, & qualis rector est civitatis, tales & inhabitantes in ea.*

Boni magistri bonos discipulos facere consueverunt, ut frequentius, multi fierent meliores in religionibus, & in Ecclesia, si melioris vitæ eis exempla à suis auctoribus proponuntur. Negligentia verò hujusmodi ab illis, qui culpabiles sunt, districtè in judicio requiretur. Nam Dominus di-



minus dicit *Ecce ego ipse super pastores, requiram gregem meum de manu eorum.* Ezet. 34. c

Doctrina verborum sine exemplis operum, est sicut cæmentum sine calce aridum & invalidum. Ipsi linebant parietem absque temperamento, dic eis, quòd casurus sit. De correctis exēplaribus correctæ scribuntur volumina, de corruptis corrupta. Tenacius inhæret doctrina operum, quàm verborum. Ezech. 13. b

Nam cujus vita despicitur, restat ut ejus prædicatio contemnatur. Rector enim præcipuè ad hoc studere debet, ut sibi commissos faciat Christiformes, id est formam vitæ ad doctrinam Christi eis imprimat, ut non solum mente eum attendant, sed & moribus imitentur, Vndè Apostolus ad Ephesios dicit :

*Estote imitatores Dei sicut filij, &c.* & ad Galatas, Ephes. 5. a

*Filioli mei : quos iterum parturio donec Christus formetur in vobis.* Sed cum ex verborum doctrina Galat. 4. c

minus capiant de doctrina Christi, debent etiam formam ejus visibilem in seipsis ostendere, ut eis profundius imprimatur, dicentes cum Apostolo :

*Imitatores mei estote sicut & ego Christi* quasi dicat : 1. Cor. 11. a

si formam Christi desideratis ad imitandum agnoscere, in meis hanc moribus considerate. Et ad

Galatas : *Vivo autem jam non ego, vivit verò in me Christus.* Galat. 2. d

Vicarius enim Christi, vicem Christi debet gerere, in beneplaciti ejus promotione, in potestatis ejus auctoritate, & in similitudinis

ejus re-

ejus representatione, scilicet ut ea quæ vult, promoveat in subditis, ut ejus auctoritate illa possit, quæ eis expediunt, ut eum se imitabilem illis moribus, & vita demonstret, idem dicente Apostolo alibi : *Non enim nosmetipsos prædicamus, sed Iesum Christum Dominum nostrum, nos autem servos vestros per Iesum. Ille verò seipsum, & non Christum prædicat, qui gloriam propriam quærit dicendo, & qui malis exemplis se potius, quàm Christum ingerit subditis imitandum. Nam dicit Apostolus : Æmulantur vos non benè, sed excludere vos volunt, ut illos emulemini, hoc est, non bono zelo præsumunt vobis, qui per sua prava exempla excludunt vos ab imitatione Christi, ut mores eorum discatis & exempla sequamini.*

2. Cor. 4. b

Gal. 4. c

## C A P V T VII.

*Quod quinta ala Prælatorum est circum-  
specta discretio.*

**Q**Vinta ala Ecclesiastici hujus Seraph: est circumspecta discretio, & provida faciendorum consideratio. Quæ quam necessaria sit rectori animarum, Salomon ostendit : qui habens à Deo postulandi, quæ vellet, optionem, prætermis-  
sionibus, petivit sapientiam, sine qua asseruit, non posse populum benè regi. *Dabis ergo Domine cor servo*

3. Reg. 3. b

Sap. 6. a



*seruo tuo docile, ut judicare possit populum tuum discernere inter bonum & malum, & alibi dicit: Ad vos ergo Reges sunt hi sermones mei, ut discatis sapientiam, & non excedatis. & Psalmista: Et tunc Reges intelligite, erudimini qui judicatis terram. Rector enim est dux gregis sibi commissi, & si ipse erraverit, grex in dispersione confusus, interibit. Sicut oculus est lux totius corporis, ita pastor, gregis commissi, juxta illud: vos estis lux mundi, &c. Secundum quod oculus est clarus, & obscurus, sic etiam corpus ab eo regitur directe, vel per devia,*

Psal. 2. b

Math. 5. b

Duplex circumspectio rectoris necessaria.

Bern. super Cant. serm. 49. cir. me. Rom 10. a Pro. 13. d

Duplex ergo circumspectio rectori necessaria est, ut sciat quid agendum sit; & qualiter. Nam nec bonum simpliciter bonum est, nisi bene fiat, idest sicut docet Bernardus, *Tolle discretionem, & virtus vitium erit*, sine ipsa zelus præcipitat teste Apostolo, qui ait; *Æmulationem Dei habent, sed non secundum scientiam*; Item compassio condescendit usquequaque sub specie pietatis, sicut dicitur in Proverbijs, *Qui parcit virge, odit filium*, hoc est, qui sub specie pietatis peccantem non corrigit, animam ejus ad interitum mittit. Item patientia sine discretionem, remissum in regiminis vigore facit, cum sub specie humilitatis rebelles non reprimat, unde scriptum est; *Quod Roboam erat rudis, & corde pavido, nec poterat resistere eis, scilicet qui se Domino & sibi opposuerant. Item*

2. Paral. 13. b

F

sine di-

sine discretione quaecunque bonum exemplum inefficax fit ad ædificandum alios, sicut bonus cibus non est delectabilis, sine condimento salis : ait Leviticus : *In omni oblatione tua offeras sal : &* Apostolus dicit : *Rationabile obsequium vestrum.* Si rectè offeras, rectè autem non dividas, peccasti : hoc est, bona facere non sufficit, nisi discretè qualiter, quandò, ubi, quare agendum fuerit, videatur.

Levit. 2. c

Rom. 12. 6.

Gen. 4. a  
Eccl. LXX.

Rectè circa  
quatuor  
fit circum.  
spectus  
Exo. 28. c

Quamvis autem plurima sint, circa quæ oportet rectorem esse circumspectum, quæ non possunt breviter poni, tamen quatuor videntur præcipua, in quibus debet ejus providentia vigilare. Vnde dicitur in Exodo : Iubetur Pontifex ingrediens sanctuarium, ut minister Domino, inter alia ornamenta semper in pectore rationale judicium deferre, & in ipso quatuor ordines gemmarum, ita quòd quilibet ordo tres lapides contineat prætiosos, auro inclusos. Pontifex Domino ministrans, sanctuarium ingreditur, cum Prælatus curam animarum suscipit, ut in earum salvatione Deo gratissimum præstet obsequium. Nullum enim Deo gratius sacrificium, quàm zelus animarum. Qui inter alia virtutum insignia, semper debet rationis judicio, quatuor ad officium suum spectantia, in pectore versare. Primùm est, quomodo in statu debito, commissos sibi gubernet, ut boni sui proficiant, & persistant. Secundùm, quomodo



modò lapsos & devios corrigat, & emendet. Tertium exteriora negotia, quæ requiruntur, adeò congruè disponat. Quartum, quomodò se in his custodiat, & gerat. Tres lapides in singulis versibus sunt, tria ad singula eorum quatuor pertinentia, ad statum debitum tenendum convenit, ut rector omnium subditorum, mores, conscientias & vires perspicuè agnoscat, ut secundum quòd unicuique expedit, onus observantia regularis imponat. Non enim omnes omnia possunt æqualiter, & unus quasi proprium habet donum ex Deo, alius sic, alius verò sic. Vndè in libro numerorum dicitur: *Aaron, & filij ejus intrabunt, ipsi quoque disponent onera singulorum, & dividunt quid portare quis debeat*, Aaron & filij ejus sunt Prælati majores, & minores, qui debent intrare, idest interiora cujusq; agnoscere, & secundum quòd convenit singulis, onus religiosæ conversationis imponere, & propter triplicem observantiæ qualitatem quæ sunt tres lapides pretiosi, in primo versu quatuor ordinum prædicatorum.

Num. 4. a

Prima observantia consistit in illis, quæ sunt juxta cujusq; professionis formam de necessitate salutis, quæ ita annexa sunt ordini & regulæ, ut eorum transgressio temeraria inducat mortale peccatum, ut est obedientia præcepti, voluntaria paupertas, castitas, & alia præceptorie imperata, in quibus locum non habet dispensatio magistri, cum

Rom. 8. f

& ipse sit ad ea servanda ligatus. Hæc necesse est Prælatum vigilanter agnoscere, quia tenetur ea facere ab omnibus, studiosè servari, & nolentes cogere ad servandum, & pro nulla causa permittere, quantum in se fuerit, aliquem contrariè, etiam si magna propter hoc sibi, & fratribus tribulatio, seu dispendium immineret. *Quis nos separabit à charitate Christi*, ait Paulus: *tribulatio, an angustia, an persecutio, an fames, an nuditas, an periculum, an gladius?* quasi dicat: non debet. Hoc est contra illos qui dicunt, si sic vel sic non acquireretur necessitas fratribus, nec possent hic aliquatenus sustentari. Cùm talis forma conquirendi est contra regulam, & in scandalum, & religionis deformitatem: melius est ibi non esse Religiosos, ubi non possunt, vel non volunt vivere ut religiosi, quia tunc nec ipsi pereunt, nec alij de ipsis scandalizantur, dicente Domino: *Qui scandalizaverit unum de pusillis istis expedit ei, ut &c.* Quid ergò qui multos & magnos scandalizat? Ista consideratio prima debet esse gemma lucens in pectore Pontificis, idest, præ omnibus curanda.

Matt. 18. a

Secunda versatur circa illa, quæ spectant exercitium altioris perfectionis, scilicet singularis patientiæ, admirandæ humilitatis, stupendæ charitatis, arduæ sobrietatis, eximiæ paupertatis, & sublimis devotionis, & similium virtutum, ad quas debet rector commissos, exhortationibus, monitis, & exemplis effica-



efficacibus afficere, & attrahere, magis quàm invitos cogere. Consilia enim perfectionis svadentur, non imperantur præter ea, quæ in voti emissionem exprimuntur, ut continentia. Præcipua tamen causa Monasticæ institutionis fuit, ut esset schola palæstralis exercitij perfectionis, Palæstra ut dicitur, fuit ludus nudè luctantium, qui se oleo perungebant, nè à colluctantibus teneri possent, & ita ad terram deiici. Et aptè similitur à Paulo luctamini religiosorum, cum dicit : *Omnis enim qui in agone contendit, ab omnibus se abstinet.* Re-  
Palestra  
1. Cor. 9. dctor igitur & hanc gemmam ferat in pectore, ut sectatores suos doceat, & provocet, non solum viam tenere, quâ salventur, sed etiam ad perfectionem tendere, per quam sublimem in Cælo gloriam assequantur.

Tertia consistit in illis, quæ nec sunt de pura necessitate salutis, nec de eminentia perfectionis, sed tamen ad utriusq; acquisitionem, & conservationem, à sanctis patribus aptè statuta sunt. ad exercitium bonorum operum, & decorem ipsius religionis, & ad ædificationem intuentium, ut sunt; jejunia, silentium, sollemnitas Divinorum Officiorum, & exteriores corporalium exercitationum honestates, quæ juxta Apostolum tam utiles sunt, sicut instrumenta pro artificijs quæ possent & aliter peragi à peritis, cum prius fuerint artes, quàm talia instrumenta. Vnde discretus Præ-  
1. Tim. 4. b  
F 3 latus

latus, cùm necessitas exigit, vel major utilitas requirit, dispensat in causa; pro talibus, pro loco & tempore, sine difficultate, cum viderit expedire. Vbi autem major utilitas, vel necessitas non exigit, studiosè faciat ea servari. In hoc indiget Prælatus non modicâ discretionem, ut sciat inter rigorem & remissionem medium tenere. Si autem nimis fuerit rigidus, & ipse minus erit dilectus fratribus, & illi minus erunt voluntarii ad alia quæ utiliora, & necessaria forent. Rursùm si fuerit plus quàm convenit remissus in talibus, citò major dissolutio subsequetur.

Eccl. 19. *Qui spernit modica, paulatim decidet, ait sapiens.*

Circa lapsorum correptionem discretio Prælati similiter vigere debet. Hic est ordo secundus, tres gemmas continens, quia triplex conniventia, ad hoc est necessaria, sicut sunt tria genera delinquentium. Quidam enim cum deliquerunt, mox aut intus moti à spiritu, aut foris correpti ab homine, ad poenitentiae remedium confugunt. Illic cum clementiae fomentis medicus spiritualis remedia satisfactionis sic temperata debet adhibere, quibus & satisfaciat Deo de offensis; & proximo de scandalo, ut cæteri peccare magis timeant, & tamen propter levitatem remedij ipsos non poeniteat, se poenitentiae submisisse, nam dicit

Gal. 6. a Paulus: *Si preoccupatus fuerit homo in aliquo delicto vos qui spirituales estis Subaudi medici. hujusmodi instruite*



*instruite in spiritu lenitatis : considerans temetipsum ,*  
Ecce. Id est, talem ei satisfactionem imponite ,  
per quam cognoscat pondus reatus sui, ita tamen  
clementer, sicut tibi met velles alium compati, si  
tali peccato delinqueres. Et hæc est una gemma  
secundi ordinis, discretio talis. Alij cum delin-  
quunt, tegunt, palliant, defendunt, & virus in-  
terius latet : Et licet rector ex certis indicijs de-  
prehendat ibi faniem putridam esse collectam, ta-  
men non ita erumpet exterius, nec per evidens  
testimonium, nec per voluntariam confessionem,  
quod possit opportunè ferro apertæ correctionis  
secare, si corripit non proficit, & videtur magis  
vitiatorum diffamator, quàm vitiosorum corrector:  
sed movetur & dissimulat, uritur, & anxietur, tam  
pro anima fratris, quàm pro se; quia non corrigit  
delinquentem. Cum ergo aliud congruè facere non  
possit, oportet, dissimulet, patientiam suam exer-  
ceat; & quod arguendo non valet, orando labo-  
ret obtinere, ut aut Deus citius demùm corrigat,  
aut latentem ejus malitiam detegat, ut aliquod re-  
medium apponatur. Sicut Dominus Iudam pro-  
ditorem, diu tacitè toleravit, quod eum aperte  
non corripuit, donec in tantum ejus iniquitas cre-  
vit, quod per se patenter erupit. Quæ quamdiù  
latuit, licet in se lethaliter ægrotaret, tamen alijs  
non nocuit, & ideo irreprehensibiliter potuit ta-  
citè tolerari, nam dicit Dominus in Mathæo : Si-

*nite u-*

Mat. 13. d  
Apoc. vult.

nite utraq; crescere usque ad messem id est, zizania cum tritico, & in Apocalypsi dicitur : *Qui in sordibus est sordescat adhuc.* Debet tamen talibus, ubi potest cautè caveri ab occasione peccandi; & in communi moneri debent, ut resipiscant juxta illud : *Vae homini illi, per quem Filius hominis tradetur,* sed cum ad tam singulare facinus, non potuisset Iudas subito proruisse, nisi diu paulatim in deterius semper prolapsus, apparet eum à Domino in malo statu diu occultè toleratum. *Ego taceo & quasi non vident.* Talis ergò dissimulatio in corde rectoris, multà discretionem indiget, ut in neutro deviet à justo. Et hæc est gemma secundi ordinis, secunda in pectore sacerdotis. Tertij offendunt graviter, apertè, & non recipiunt debitam correctionem, vel fictè recipiunt, quia non emendantur, & alij ex eis fiunt deteriores, vel scandalizantur de ipsis, vel imitari eos incipiunt, si vident eos impunè peccare, volentes sibi parci, sicut illis parcitur. Vbicunq; ergò quatuor illa conveniunt, scilicet, graviter, apertè peccare, & non esse spem correctionis propter obstinationem seu inveteratam mali consuetudinem, & alios infici, per ejus exemplum, vel scandalizari; quia talia tolerantur : quid restat, nisi ut ovis morbida abijciatur, & membrum putridum præcidatur, nè sana inde inficiantur, & corrumpantur? Undè dicit Apostolus : *Vtinam & abscindantur, qui vos conturbantur-*

Gal. 5. b



turbant, & ad Corinthios: *Auferte malum ex vobismetipsis.* Quòd infidelis discedit, discedat. Et Lucas dicit: *Succide ergò illam, scilicet, ficum infructuosam, ut quid etiam terram occupat?* & Mathæus: *Omnis arbor quæ non fert fructum bonum excidetur.* Et in numeris: *Præcipe filiis Israel, ut eiciant de castris omnem leprosum, & qui semine fluit pollutusq; est super mortuo, nè contaminent ea, cum habitaverint vobiscum, &c.* At ista tamen non debent impetu fieri, sed maturo consilio prudentium, & spiritum Dèi & donum consilij habentium, *Omnia cum consilio fac!* & post factum non penitebis, Eccl. 31. d  
 & in Mathæo: *Qui scandalizaverit unum ex pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris.* Hoc est cujus vita in habitu religionis magis scandalizat simplices, quàm ædificet, expedit, ut foris missus, solus damnetur, quàm per eum sacra religio contaminetur.

1. Cor. 5.  
2. Cor. 7. c  
Luc. 13. b

Math. 3. b

Nam. 5. a

Eccl. 31. d

Math. 18.

Luc. 12. b

Tertius ordo versatur circa negotia quæ per Prælatum sunt disponenda, quorum alia expedit, ut alijs disponenda committat, alia per seipsum disponat, alia præcidat, & removeat, quantum valet. Sic Christus commisit alia discipulis procuranda, ut Iudæ oculos, sibimet retinuit prædicationis & curationis officium, ut patet in Luca: *Requisitus enim ut inter fratres quosdam hæreditatem divideret, respondit: Homo, quis me constituit judicem,* Luc. 12. b  
 G . . . . . aut di-

*aut divisorem inter vos? Exteriora & temporalia corporalis necessitatis officia, si per seipsum noluerit actu disponere, impeditur ab interiorum & meliorum provisione, quia sparsus ex se mentis oculus minùs videt interiora, & necessariora salutis.*

Exod. 18. c Vndè in exodo dicitur: *Esto tu populo in his quæ sunt ad Deum: & levius feres partito in alios onere,*

Act. 6. 2 scilicet leviorum, ut in Actis: *Non est æquum nos relinquere verbum Dei, & ministrare mensis, &c.* Si

alios non haberet, quibus curam exteriorum committeret, potiùs deberet ab alio fraudem in temporalibus pati, quàm ipse Prælatus in talibus occuparetur, exemplo Christi, qui sciens Iudam esse

Ioan. 12. 2 furem, tamen permisit eum exteriora procurare, juxta illud: *Fur erat, & loculos habebat, & ea quæ*

*mittebantur, portabat.* Hoc est contra illos qui facilius inveniunt, quibus curam animarum committant, quam rerum suarum temporalium: cum incomparabiliter majus sit dispendium periclitari animas, quam res perire. Spiritualia verò & quæ ad salutem necessaria sunt, & profectum virtutum principaliter debet animarum custos & rector sibi met curanda retinere, cum hæc sint de substantia, officij Pastoralis, & de his maximè sit in judicio rationem Domino redditurus. Hæc sunt qualiter regula studiosè servetur, & alia statuta, & ordinis disciplina. Item, quòd pax & dilectio inter fratres. Item ad ipsum pertinet  
consci-



conscientias singulorum agnoscere, de quibuslibet perplexitatibus, expedire, pericula peccatorum prævidere & præcavere, monere fratres ut proficiant corrigere corrigenda, elucidare dubia, informare singulos, qualiter officia sibi commissa congruè administrent, quò & fratribus, prout convenit, sufficiant, & conscientiam non offendant. Vbi verò non potest hominibus satis fieri, nisi cum offensa Dei, ibi servetur ad Deum obedientia, & ad homines patientia, & dicamus cum Petro : *Obedire oportet Deo magis, quàm hominibus,*

Act. 5.

Prælati verò gerit vicem capitis in corpore fraternitatis, ut cum alia membra debita sunt actionibus sibi competentibus, caput omnibus præsidendo provideat, quasi omnium sensuum capax, & omnia regens, & sensum, & motum, omnibus transmittens, per iussiones, vel concessiones sanctæ obedientiæ, quasi quorundam compaginatione nervorum : unde & caput singulari actione non occupatur, ut vacet omnium membrorum provisioni. Omnibus enim proficit, pro omnibus audit, adorat, gustat, & loquitur; sic & Prælatos sibi commissis. *Ipsi enim pervigilant quasi rationem pro animabus reddituri,* ait Apostolus. Superflua verò & non necessaria salutis, vel profectui animarum negotia, expedit præcidere, & tam à se quàm à fratribus quantum opportunè poterit remove. Cum enim propter temporis brevitatem,

Heb. 13.

& diēi malitiam, vix necessarijs sufficimus disponendis, si supervacuis vel alienis volumus occupari negotijs, negligimus utiliora, & meliora, cum distractus animus ad plura, fit minor ad singula providē peragenda. Indē fit aliquoties, cum Prælati & religiosi nimis se exterioribus occupationibus implicant, ædificiorum, librorum, causarum, & aliorum, quibus fructuosius carerent, ut non solum meliora interim negligant, sed etiam conscientiam sæpius inquinant, & ex usu exteriorum tenebrescat oculus mentis, ad contemplationem spiritualium & interiorum, & tepēscat ad desiderium supernorum. Sicut enim humores noxij affluunt, ubi fuerit in corpore læsio, nisi cautē removeantur, nè fiat ibi tumor, vel ulcus; ita & negotia crescunt ad intentionem spiritūs, qui se eis acquieverit occupari. Ideò discretio Prælati debet providē prospicere quid ex quolibet eventu possit consequi, & quæ negotia admittere, vel quantum expedit ea exequi, circumspiciendū rimari. Ait enim sapiens: *Qui est multi sarcinus mihi.* Qui sarcinam suis grave ponat, imprudēs est, si adhuc onera plura sibi portanda imponit, quibus potest opportunē carere.

Eccli. 12. b

Super omnia verò debet semetipsum rector circumspicere, nè alijs providens seipsum negligat: nè alios salvans, seipsum in periculum demergat. *Quid enim prodest homini, si mundum universum lucretur: animæ verò suæ detrimentum pa-*

Mat: 26. b



*tum patiatur?* Hic est quartus ordo gemmarum triplici circumspeditione: quasi pretiosorum trium lapidum ornatu complendus, ait enim Ioannes: *Videte vosmetipsos, ne perdatis quæ operati estis,* supple, in alijs: sed ut mercedem plenam suscipiatis.

2. Ioan. c

Vna circumspectio sui, versatur circa conscientiae serenitatem, ut illa semper secura sit & munda. Secura sit, ut nihil velit, agat, jubeat, vel permittat illicitum, & indecens, professioniq; suæ contrarium, in quo peccatum seu scandalum deprehendatur. Munda, ut de bonis quæ fecit, vel promovet, gloriam ab hominibus non captet, nec sibiimet exindè immoderatè placeat solius Dei, beneplacitum in omnibus quærens, ut quæ pro eo facit, id est, vice Dei, etiam purè faciat propter eum & ipsius amorem. *Si oculus tuus simplex fuerit, totum corpus tuum lucidum erit,* hoc est, si intuitus intentionis purus fuerit charitate, totum corpus bonæ operationis dignum erit præmio lucis æternæ. Si autem nequam fuerit, &c. Scrutetur ergò conscientiam suam sollicitè dijudicans quid egerit, quid omiserit de agendis, & quo fine bona fecerit, & de malis doleat, & confiteatur, & corrigat, & caveat, de bonis verò non in se, sed in Domino gloriatur cum Apostolo; qui ait: *Si nosmetipsos dijudicavimus, non utiq; judicemur. Qui pulverem ab alijs detergit, vix potest transire, nisi & ipse pulvere respergatur quem etiam in se detergere ne-*

Matt. 6.

1. Cor. 11. g

Luc. 4. d

tergere necesse habet, juxta illud : *Medice curate ipsum.* De bonis verò quæ facit sic lætetur, ut indè non extollatur, æstimans quòd non propter se, sed propter alios quibus præest, Deus dederit ei benè facere, vel dicere, vel sentire.

Alia circumscriptio sui versatur circa exteriores mores & verba, quibus oportet eum alijs magis quàm sibi deservire. Qui enim pluribus cogitur vivere ad exemplum, & satisfacere singulis & omnibus placere, multà indiget discretionè, ut medium valeat tenere, nè sit nimis tristis vel hilaris, nimis severus, vel lenis, nimis socialis vel alienus, nimis tacitus vel verbosus, nimis durè loquens vel blandè, nimis rigidus vel remissus, nimis sæpè cum hospitibus vel rarò, nimis lautè reficiens vel tenuiter, nimis facta fratrum observans vel dissimulans, nimis fovens aliquos vel alios parvipendens, & similia. Cum ergò non possit semper teneri, quòd de omnibus placeat; minus tamen deviat, si ad benignitatis partem plùs declinat, per quàm redditur subditis magis amabilis, ob quàm libentiùs obtemperant, ut audaciùs ad eum recurrunt, in quibus indigent, & alacriùs imitantur. Ipsa enim potestatis auctoritas facit eum satis timendum subditis, etsi huic iungitur austeritatis severitas, pavidis fit mentibus onerosa. *Vos autem cum*

Ezec. 34. a

*austeritate imperabitis eis & cum potentia, & disperse*

Eccli. 4. d

*sunt oves meæ* dicit Dominus Et in Ecclesiastico :

*Noli es-*



*Noli esse quasi leo in domo tua, subvertens domesticos tuos.* Hinc est quod ipse summus princeps Pastorum Dominus Iesus tantam nobis benignitatis charitatem exhibuit, ut se faceret amabilem, & ita imitabilem, ut per amorem suæ humanitatis, traheret ad amorem & cognitionem suæ Divinitatis, ut dum visibiliter Deum cognoscimus, per hunc in invisibilem amorem rapiamur. Sic & vicarius Christi prælatus, ad hoc maximè studeat à subditis diligere, ut sic facilius trahat eos ad amorem Christi. In omni tamen dubio semper magis inclinatur se ad illud, quod secundum veritatis indicium virtuti charitatis & humilitatis, & perfectæ puritatis magis consonat, & Evangelicæ perfectioni.

Ultimò etiam ipsa discretio, quæ cætera omnia diiudicat, circumspiciat seipsam, nè ei contingat ut oculo corporis, qui cum alia videat, non videt seipsum: videlicet plùs sapiat quàm oportet sapere, nè sibi plùs credat quàm expedit, nè sit sapiens in oculis suis, quia teste Beato Gregorio: *sicut subditorum tentatio est, reprehendere in Prælati, quod in multis non rectè agant, ita Prælatorum tentatio est, quod se cæteris Sapientiores æstimant.* Vnde dicitur: *Vidisti hominem sapientem sibi videri, magis illò spem habebit stultus.* Stultus enim sibimet non confidens, quærit consilium à sapientibus, ne decipiatur: ille autem de se plùs quàm debet præsumit cui-

Greg. in sen  
su lib. 25.  
mort. 14.

Prov. 26. b

mit, etiam ubi erat, rectè se plerumq; sentire de-  
ceptus putat. Inter omnes autem tentationes vi-  
detur ista periculosior, cujq; Christiano, scilicet,  
proprio sensui nimis inniti. Cum enim nemo  
reperiatur ita perspicacis intelligentiæ, quin pos-  
sit in aliquibus falli, qui hoc totum & solum re-  
putat justum, quòd ipse senserit, astuto adversario  
ad varias seductiones sub specie boni liberum adi-  
tum pandit. Ait enim Psalmista : *Sedet in insidijs*

*Psal. 9. c*

*cum divitibus in occultis, ut interficiat innocentem.*

Ibi enim libentiùs insidiatur, ubi majores merito-  
rum divitias cernit inquiri, ut ibi innocentem in-  
quirat & occidat. ubi se Deo magis obsequium  
præstare speratur. Vndè cautum est semper re-  
ctori, consilia libenter audire, & humiliter quæ-  
rere. Et in hoc triplex humilitas consistit. Pri-  
mò, si alij idem sentiunt, quòd & ipse, securior  
est quòd non decipiatur. Secundò quidquid fece-  
rit, cum prudentium consilio, si aliquid indè eve-  
nerit contrarij; minùs ei poterit imputari, quàm  
si de suo tantum sensu id fecisset, Tertiò quid sæ-  
pè in merito humilitatis tulit, Deus dat ei agno-  
scere per se, vel alium, quòd ante non intellexit.

*Exod. 18. c*

Hinc Moyse, cui Deus facie ad faciem loqueba-  
tur, consilium Petro soceri sui gratum habuit &  
servavit. Hinc Apostolus Paulus spiritu Sancto  
repletus, Evangelium quòd per revelationem Ie-  
su Christi didicerat, ipsius instinctu ascendens

*Gal. 2. 1*

Hieru-



Hierusalem, cum Petro & Ioanne & Iacobo co-  
apostolis suis contulit, ut esset securior in prædi-  
cando, cum ab eis non discordaret, & exemplum  
per hoc daret fidelibus Prælatiis consilium requi-  
rendi: *Omnia cum consilio fac, & post factum non* Eccl. 32. d  
*penitebis*, ait scriptura. Alioquin verò cum ad offi-  
cium regiminis assurgunt, ita se continuos, repletos  
spiritu scientiæ reputant, ut omnia antecessorum  
suorum facta stulta iudicent & perversa: alij verò  
é contrariò cum ab eodem absolvuntur officio,  
quæcunque successores eorum faciunt, simili modo  
condemnānt, non attendentes, quòd sicut ipsi ali-  
orum facta deprimunt, ita eorum facta alij possunt  
despicere, huic dicit Isaias: *Væ qui spernis, nonne* Isaiæ 33. a  
*& ipse sperneris?* Nullorum enim facta tam stu-  
diosè solent ab alijs observando notari, sicut illo-  
rum, qui aliorum facta severè dijudicant, si fortè  
in quo ipsi alios arguunt, reprehensibiles deprehen-  
dantur.

Sunt enim duo genera hominum, quorum  
consilia prudens rector non facile debet recipere,  
scilicet adulatores, & detractores. Primi istorum  
seducunt eum, ut magis de se, quàm expedit,  
præsumat: juxta illud: *Qui bonum te dicunt, ipsi te* Isa. 3. c  
*decipiunt, & viam gressuum tuorum dissipant*, nè de  
te vera sentias, humilitate propriæ cognitionis: se-  
cundi inducunt eum ut pejus, quàm habet, de a-  
lijs suspicando sentiat, & sæpè innocentes conde-  
H mnet,

mnet, & priusquàm veritatem rei plenè cognoscat, dicente scriptura : *Aures principum simplices, & ex sui natura illud æstimantes, callida fraude decipiuntur*, & malis quorundam suggestionibus, regum studia depravantur, ut eos qui credita sibi officia diligenter observant, & ita cuncta agunt, ut omni laude sint digni, mendaciorum cuniculis conentur subvertere, &c. Cùm autem tribus de causis soleat requiri consilium, scilicet, propter emendationem, ut discatur de quo dubitatur, propter auctoritatem ut magis habeat vigoris quòd per tales consultum fuerit, & propter pacem, nè habeant aliqui occasionem murmurandi : propter primam causam, consulendi sunt prudentiores, propter secundam nominatiores, & propter tertiam omnes ad quos negotium pertinere videtur. Sed quia singularia sine numero sunt, in quibus discretio est necessaria, non potest dari certa & communis regula, quæ valeat, pro omnibus.

## C A P V T V I I I .

*Quod sexta Prælatorum ala est devotio ad Deum.*

**S**EXTA & ultima ala, sine qua reliquæ perfici non valent, maximè est necessaria, ut sit devotus ad Deum, per quem zelus iustitiæ accenditur, pic-



tur, pietas compassionis infunditur, patientia ro-  
 boratur, exemplum bonum conditur, discretio cla-  
 rificatur. Hæc unctio spiritûs, docens de omni-  
 bus, quæ expediuntur saluti, vndè dicit Ioannes :  
*Vos unctionem habetis a Spiritu sancto, & nostis omnia & non necesse habetis, ut aliquis vos doceat :* 2.Ioan.2.d  
 Sed sicut unctio eius docet vos de omnibus, De-  
 votio mentem illuminat ad cognoscendum quid  
 sit melius. vndè Dominus dicit : *Docebit vos omnia & suggeret &c.* Ioan.14.d  
 Inflammat ad appetendum  
 bonum. Vndè & in Ecclesiastico dicitur : *Qui* Eccl.24.c  
*edunt me, adhuc esuriunt; & qui bibunt me, &c.* Ro-  
 borat ad perficiendum, *Deus est enim qui ope-* Philip.2.c  
*ratur in nobis & velle & perficere pro bona vo-*  
*luntate.* Psal.118.  
 Facit horrere peccata, dicente Psalmi-  
 sta : *Iniquitatem odio habui.* In Apocalypsi, liber  
 Apoc.10.d  
 comestus dulcis gustu, amaricat ventrem. Acti-  
 ones ordinat ad virtutes; sicut dicitur in Canticis:  
 Cant.2.a  
*Introduxit me Rex in cellam vinariam, ordinavit in*  
*me charitatem.* Mores exterius componit & ver-  
 ba, sicut dicit Tobias : *Nunquam cum ludentibus* Tob.3.c  
*miscui me, neque cum eis qui in levitate ambulant.*  
 Scientiam fidei dulcem reddit. Sapientia enim  
 secundum nomen suum est, id est, sapida scien-  
 tia. Spem in fiduciam erigit. *Ipse enim spiritus S.* Rom.8.c  
*reddit testimonium nobis, quod sumus filij Dei.* Amo-  
 rem Dei accendit, nam dicit : *Charitas Dei diffusa* Rom.5.2  
*est in cordibus vestris per spiritum Sanctum qui datus* Exod.33.b  
*est no-*

*est nobis.* Deo familiarem efficit juxta illud : Lo-  
 quebatur Dominus cum Moyse, sicut homo loqui  
 solet ad amicum suum. Dat fiduciam impetran-  
 di petita, sicut habebat Ioannes cum dicebat : *fi-  
 duciam habemus ad Deum, & quodcunque petierimus  
 accipiemus.* Orationem impingvat Psalmus : *Ho-  
 locauslum tuum pingve fiat, & in Ecclesiastico, ait  
 enim : Impingua oblationem.* Pium & affectuosum  
 facit, juxta illud : *suavis, humanus, & benignus est  
 spiritus sapientie.* Cor humiliat, ut ait Isaias :  
*Super quem requiescet spiritus meus, nisi super humi-  
 lem ? &c.* Oleum spiritum premit in olla fer-  
 vente. Contra adversa constantiam prestat. Vn-  
 de dicit Psalmista : *Dominus illuminatio mea & sa-  
 lus mea quem timebo.* Et Apostolus : *Quis nos se-  
 parabit à charitate Christi : Omnia opera bona de-  
 lectabilia facit, juxta illud : Non habet amaritudi-  
 nem conversatio illius, nec tedium, sed letitiam &  
 gaudium.* Mentem in superna elevat, Si direxe-  
 rit ad Deum cor suum spiritum ejus & flatum ad  
 se trahet. Mundum vilescere facit, dicente Ec-  
 clesiaste : *Vidi hæc sunt omnia sub sole, & ecce o-  
 mnia vanitas.* Delicentia celestia cogit. Hinc  
 Apostolus dicit : *Teartur d' duobus desiderium habens,  
 dissolvi, & esse cum Christo.* Peccata delet, & pœ-  
 nas peccati. Unde ait Dominus : *Remittuntur ei  
 peccata multa, quoniam dilexit multum.* Merita su-  
 blimat, teste sapiente, qui ait : *Si divitie appetun-  
 tur, quid*

1. Ioan. 3.

Psal. 19. a  
Ecc. 38. b

Sap. 7. d.

Isa. 66. a

Psal. 26. a

Rom. 8. g

Sap. 2. d

Eccli. 1. c

Philip. 1. c

Luc. 7. g

Sap. 8. a



*tur, quid sapientiâ locupletius, quæ omnia operatur?*

Proximos maximè ædificat. Vnde dicitur: *Offerte*

Eccl. 45. c  
2. Cor. 7. d

*illi incensum dignum in odorem suavitatis. Et Christi*

*bonus odor sumus. Dæmones fugat. Nam fumus*

*ejus extricat omne genus dæmoniorum. Angelos*

*invitat & Sanctos: ait enim Psalmista: Prævene-*

*runt Principes conjuncti psallentibus, & Tobias:*

*Quando orabas cum lacrymis, &c. Hæc & multa*

Tob. 12. c

*alia devotionis gratia confert. Ideò præcipuè re-*

*ctor animarum studiosus esse debet, eam habere,*

*per quam semper informetur, quid faciat, adjuve-*

*tur et possit, conservetur nè deviet. Non enim*

*solum pro se orare necesse habet, sed etiam pro*

*illis, qui sibi commissi sunt, quos non sufficit sine*

*Divino auxilio custodire. Nam nisi Dominus cu-*

Psal. 126. a

*stodierit civitatem, &c. Est enim Prælatus medi-*

*ator inter Deum & subditos, ut sicut negotium*

*Dei gerit apud illos, docendo, corrigendo, sursum*

*agendo; ita etiam negotia eorum studeat apud De-*

*um fideliter promovere, placendo, gratiam impe-*

*trando, & conservando a malo. Vnde scriptum*

*est: Ego sequester & medius fui inter Deum & vos,*

Deut. 5. a

*&c.*

*Alia autem devotio communis, alia specialis,*

*alia assidua. Communis in Divinis officijs; spe-*

*cialis in orationibus, assidua in omnibus agendis.*

*Circa Divina triplicem debet habere diligentiam;*

*devotionis, scilicet ut omnia fiant ordinate & non*

*confuse*

Triplex de-  
votio.

confusè sine erroris hæsitazione : ut quisque deputatum ministerium congruè exequatur. Vnde dicit : *Omnia honestè & secundum ordinem fiant in vobis* : nam dicitur in Paralipomenis : David & omnis exercitus segregaverunt in ministerium Domini, qui prophetaverunt in citharis, psalterijs, & cymbalis, secundum numerum suum dedicato sibi officio servientes. Item ut strenuè & non pigrè seu desidiosè opus Domini, scilicet Divini cultûs officium peragatur Quia agit Hieremias : *Maledictus qui facit opus Dei fraudulenter, &c.* Item, ut devotè, & reverenter sine aliqua dissolutione, & strepitu distinctè & attentè Divina officia persolvantur, sicut in conspectu Angelorum, & in præsentia Dei, sicut dicitur in Ecclesiastico : *In omni corde & ore collaudate, & benedicite Nomen Domini.*

*Officium enim Divinum in Ecclesia Spiritus Sanctus ordinavit fieri quinque de causis.*

Primo propter institutionem Cælestis concentûs, quo Sancti & Angeli in cælo affluunt in præsentia Dei ejus laudibus sint intenti. Vnde dicit Psalmista : *Beati qui habitant in domo tua, Domine in secula seculorum laudabunt te.* Cum enim secundum promissionem suam dicat Dominus : *Ecce ego*



ce ego vobiscum sum omnibus diebus, usque ad consummationem seculi, hinc dignetur Christus nobiscum esse veraciter tam sacramentaliter, quam spiritualiter; dignum est, nos ei pro modulo nostro aliqualem exhibere reverentiam honoris, & laudis, juxta exemplar similitudinis Cælestis, ut ei etsi non continuè sicut illi Cœli Cantores : saltem interpolatim pro nostra fragilitate psallendo, alacriter assistamus imitantes illam quæ fursum est, Hierusalem matrem nostram, ut ait Paulus.

Secundò ut beneficiorum Dei memores, certis horis gratias pro his laudando, & orando, ei jugiter referamus, qui natus in nocte ex Maria Virgine, manè judicii passurus assistitur, diluculo resurrexit, horâ tertiâ flagellatur, & post Spiritum Sanctum misit Apostolis, sextâ crucifixus, nonâ in Cruce pro nobis mortuus, vespere cænans, Corporis & Sangvinis sui nobis Sacramenta tradidit, & completorio sepultus est. Misarum autem celebratio non tantum ejus nobis passionis mysterium memorandum ingerit, sed & præsentiae suæ gratiam exhibet, & sub forma Sacramenti nos seipso spiritualiter pascit. Si ergò justum est, nos horum nunquam oblivisci, ita expedit, ea semper recolere certis horis. Vade Isaias ait: *Miserationum Domini recordabor, laudem ejus super omnibus quæ reddit nobis.*

Gal. 4. d

Isaia 63. b

Tertiò, ut nosmetipsos sic assiduè ad devotionem

Levit. 6. 2

tionem excitemus, & ignem amoris Dei per hoc nobis, ne per desidiam, seu alias occupationes tepescat, continuè reaccendamus, sicut iussit Dominus Moyse dicens: *Ignis est iste perpetuus, qui nunquam deficiet, quem nutriet sacerdos in altari, subiiciens mane ligna.* Ignis est devotionis fervor, qui semper in altari cordis ardere debet, quem sacerdos devotus semper, subiiciendo ligna Divinæ laudis, debet nutrire, ne aliquando extingvatur. Vnde dicit Psalmista: *Benedicam Dominum in omni tempore, &c.*

Psal. 33. 2

Luc. 1. 2

Quartò, ut simplices fideles, qui per se nesciunt certa orandi tempora eligere, per hoc ad orationis studium assuefaciamus, ut saltem tunc ad Ecclesiam oraturi convenient, quando ibidem Divinæ laudis officia persolvuntur, & ut minus afficiantur tædio, ibi persistendi, quamdiu coram se vident clericos celebrare Divina. Vnde in Luca dicitur: *Omnis multitudo populi erat foris horâ incensæ.* Multi enim rudes vix unquam se orationi offerrent, si foris non certis temporibus in Ecclesiam ex consuetudine, ad Divinorum celebrationem, & verbi Dei recitationem, ordinariè vocarentur.

Quintò propter decorem religionis Christianæ: quia decens est & congruum, ut si Iudæi & gentiles & quidam hæretici quandoque conventicula sua faciunt, & sua profana ibi commercia ce-





Dei, desiderij, mæroris, vel gaudij spiritualis, juxta  
Psal. 76. b illud : *Meditatus sum nocte cum corde meo, &c.*  
Item in pijs erga Deum affectibus, & lacrymis,  
& suspirijs, & sanctis desiderijs amoris, & alijs  
internis & ineffabilibus motibus cordis, in jubi-  
lis, excessibus, & raptu, & absorptione spiritûs  
in Deum, quo adhærens Deo, unus fit Spiritus  
cum eo, per puræ intelligentiæ lucem, & cogni-  
tionem Dei, & amoris ejus ardorem, & glutino-  
sam fruendi inhaesionem. *Ipsæ enim spiritus postulat*  
I. Cor. 6. d *pro nobis gemitibus inenarrabilibus.*

Quod si Prælatus præpeditur à varijs cura-  
rum distractionibus, speciali devotioni sæpius in-  
Rom. 8. c tendere; saltem interdum, cum opportunè vide-  
licet, quasi furtim & raptim ad orationis studium  
se conferat, nè omnino refrigescat, nè in dissve-  
tudinem orandi veniat, nè Deo alienus efficiatur,  
nè gratia Divinæ propitiationis ei quasi insensibi-  
liter subtrahatur. Vnde Moyses cum per populi  
inertia exterius vexaretur, crebrò in tabernacu-  
lo Domini recurrit, familiare ipsi-  
us colloquium ibi expetens, quo intrinsecus in-  
spiratione recreatur. Dominus quoque diebus præ-  
dicans uerbis, noctibus in orationibus solus perno-  
ctavit. Et licet parva detur mora prælato oran-  
di, tamen quia pro alijs debet ex officio orare,  
datur ei quandoque propter alios copiosior oran-  
di gratia, ut quibus prodest agendo, possit etiam  
orando prodesse, tantum non negligat quærere,



nec abijciat, cum offertur, nè ex merito ingrati-  
 tudinis ab eo gratia elongetur, assidua devotio  
 semper ei debet adesse, sicut ex quibuslibet profi-  
 cere volentibus in religionis virtute. Et ipsa tri-  
 plex est. Vna est jugis memoria Dei, ante ocu-  
 los cordis. Vndè dicitur: *Providebam Deum in* Psal. 15. b  
*conspectu meo semper,* & alibi: *Oculi mei semper ad* Psal. 42. e  
*Dominum.* In omni loco & tempore semper de-  
 bet homo studere Deo intendere, quasi sit coram  
 eo per mentis intuitum. Vndè solebant dicere  
 Elias, & Elisæus: *Vivit Dominus, in cujus conspe-* 3. Reg. 18c.  
*ctu sto.* Sicut enim Angeli quocunque mittantur  
 tamen à Divina contemplatione non recedunt;  
 ita homo, virtutis pro suo posse, semper Dei me-  
 moriam à suo corde non removeat. Vndè si a-  
 liquando contigerit, semetipsum inde redarguat.  
 Nam dicit Bernardus: *Omni tempore quo de Deo* Bernard. B.  
*non cogitas, puta te perdidisse.* Nam cum profunde  
 non possis cogitationem tuam semper in ipsam  
 defigere meditando, saltem memorando, et rati in-  
 tuitum in eum dirige, cum datur occasio, ipsa  
 ipsa memoria in meditationem se convertat, ut for-  
 metur, sicut qui materiam formandam in lignis le-  
 cum circumfert, ut cum habuerit opportunitatem  
 aliquid in ea sculpendo operetur.

Alia est continuum studium Deo placendi, Secunda de-  
votio.  
 omni actione, vel locutione, ut semper quasi in  
 ejus præsentia caveat, undè ei displiceat, & do-

2. Cor. 5. b. leat si fortè, fecerit, & studeat in quo & quali-  
 ter ei possit magis placere, dicebat enim Apo-  
 stolus : *Contendimus sive absentes, sive præsentes pla-*  
*cere illi.* Omnes enim nos manifestari oportet ante  
 tribunal Christi. Sèper enim debet religiosus se ge-  
 rere, quasi in proximo sit tribunali sūmi Iudicis præ-  
 sentandus : *Estote parati, quia quâ horâ non puta-*  
*tis, Filius hominis veniet,* dicebat Dominus disci-  
 pulis suis. Omnia nostra videt, quæ facimus, &  
 sicut non obliviscitur bonorum operum, ad præ-  
 miandum ex diuturnitate temporis, ita nec ma-  
 lorum ad puniendum. nisi per pænitentiam dilu-  
 antur. Vndè peccator, contemnens animam su-  
 am, dicit, in Ecclesiastico : *Nemo circumspicit me,*  
*quem vereor ? delictorum meorum non memorabitur*  
*Altissimus, & non intelligit, quoniam omnia videt*  
*oculus ejus, &c.*

Tertius dev:

Tertius est. omnia agenda oratione saltem  
 mentali prævenire, ad omnes eventus oratione  
 se præparare, omnia beneficia gratiarum actio-  
 ne protegere, in laude Divina, agenda petat à Do-  
 mino ubi voluerit inspirari, eventum dirigi ad  
 saltem profectum, beneficia augeri, & conservari.  
 Sicut enim nauta prævidens tempestatem, festinat  
 in plus ingredi portum securum, ita religiosus ad  
 orationis portum continuè confugiat, ubi omnes  
 periculorum collisiones evadat, & in omnibus a-  
 gendis semper plus orationi fidat, quàm propriæ  
 industriæ, vel labori. Vndè scriptum est : *Cum*



ignoremus, quid agere debeamus, hoc solum habemus 2. Par. 20.  
residuum ut ad te oculos nostros dirigamus, videlicet  
in oratione. Et Psalmista : *Sicut oculi servorum* Psalm. 122.  
*in manibus dominorum suorum, &c.* His igitur &  
alijs pennis Ecclesiasticus Seraph: id est, Præla-  
tus Spiritualis, Domino sedenti super solium ex-  
celsum & elevatum, ornatus assistat: quarum pri-  
mas duas super caput eleve, medijs duabus cor-  
pus & pedes contegat, ultimis duabus in latum &  
altum volet: ut zelum ejus non humanæ laudis  
fervor deprimat, nec compassionem ejus carnalis  
inclinat affectus, sed sursum recta intentio susci-  
lat, & fraternæ charitatis pietas in altum erigat,  
propter retributionem supernam, juxta illud Psal-  
mistæ : *Inclinavi cor meum ad faciendum &c.* Pa- 761. 188. c  
tientia verò, & vita exemplaris contegant  
perturbationum jaculis, & à nuditate inopi-  
ritorum, quibus quasi armis defendatur, &  
sacris vestibus adornetur. Unde ait Isai Isai. 52. 2.  
*Induere fortitudine tua Sion, induere cingulum*  
*tue.* Circumspectione verò ubique circum-  
videndo quid, & qualiter sit agendum, in vo-  
tionis studio quæ sursum sunt, querat, ut Chri-  
stus est in dextera Dei sedens sublimi volans, ad  
ipsum accedens. Licet autem omnes, qui præfunt  
animabus, has virtutes non possunt omnes æqua-  
liter habere, tamen omninò necessarium est eis, a-  
liquatenus non carere tam pro fructu ædificatio-  
nis il-




nis illorum, quibus præsunt, quàm propriæ salutis profectu. Quilibet etiam religiosus, qui seipsū habet regere, & de sui ipsius regimine rationem est Deo redditurus in extremo examine, his alis & pennis, quantum sibi indiget, oportet adornari, & in superna sublevari, ut sit fervens in iustitia, compatiens proximis propter Deum, patiens in adversis, bono exemplo alios ædificans, circumspectus in omnibus, & super omnia Deo per orationis studium familiariter adhærens, qui eum in omnibus protegat, dirigat, & promoveat, & tandem ad Cælestia evolare faciat. Quod nobis præstare dignetur IESVS CHRISTVS Amen.





Biblioteka Jagiellońska



stdr0025128

ku  
22







